


輿地考三

文獻備考
六

共四十



東國文獻備考卷之十一

崇政殿 校正

輿地考 六

郡縣沿革 四

咸鏡道 古朝鮮屬國沃沮地漢置玄菟郡後徙郡於遼東更以沃沮爲縣屬樂浪東府都尉後漢建武中罷都尉封其渠帥爲沃沮侯後爲高句麗所有唐滅高句麗以其地屬安東都護府新羅得其南境隸溟州其北地沒於渤海因爲女真所據稱曷懶甸高麗畫定州都連浦爲界高宗時和州迤北叛附元元以

和州為雙城府至恭愍王時攻破之復其地稱朔方

道本朝初拓地至豆滿江 太宗朝改稱永吉道尋

改咸吉道後改咸鏡道 成宗朝改永安道燕山時

復為咸鏡道觀察使營在咸興成宗元年移營於永興以李施愛之變咸

興降郡故也後咸興領府一大都護府一牧一都護

府十六郡二縣二咸興永興定平高原安邊德源文

屬南道 鏡城吉州明川會寧鍾城 穩城慶源慶興富寧茂山屬北道

朝沃句 新 高 本

鮮沮麗 羅 麗 朝

比列忽朔庭郡登州顯宗改安邊府成宗朝

一云
淺城
郡

原谷縣
瑞谷縣
瑞谷縣
在西三十

一云
首乙
吞

五里

高宗時蒙
兵侵擾棄
地寓襄州
忠烈王時
還本城和
州以南諸
州皆同

加支達菁山縣
汶山縣
在南三十

里

縣

於支吞翊谿縣
翼谷縣
在南六十

縣一云翼谷

薩寒縣
霜陰縣

霜陰縣入安邊在

東三十里

福靈縣靈一作令

入安邊在西三十里

岐淵縣
派川縣

派川縣顯宗入安

邊在東九十五里

衛山縣在南五十里

二里○右四縣顯宗

入安邊

鵠浦一云
浦古衣
鶴浦縣
鶴浦縣顯宗
邊在東
六十里

永豐縣本伊

穆宗等城
置鎮後為
縣尋入安
邊在西北

十里

泉井郡
井泉郡

宜州初名湧
州成宗

德源府世宗朝改
今名為郡

一云
於乙
買
景德
王等
炭項
關門
今德
源府

後陞
府



北十
五里

有古

鐵關

基疑

是

買尸達蒜山縣

三國志
今未詳

縣

東墟縣幽居縣

三國志
今未詳

一云
加知
斤

夫斯達松山縣

三國志
今未詳

縣

右
官十

鎮
溟縣
或稱

顯宗改爲

縣後入德

龍
津縣
古孤
唐宗朝入德源稱

穆宗等城
明孝二社

後入文州
辛禰析

高
州
初爲德
寧鎮成
高原郡
太宗朝改

宗爲州顯

宗城鳳化
山南徙
州治

長嶺鎮

和州

初為和州成宗

永興府

太祖朝改永興府

右十官

改和州安邊府顯宗降州高宗時汲於元恭昭王復為州尋陞府和寧

太宗朝降和州世宗朝改永興大都護府

朝沃句高
鮮沮麗麗

本朝

定州

古稱巴只一云宣威初改名千丁為府

定平府

太宗朝改今名為府

萬戶府
南五十里有元興關

以都連浦為界等城
置元興定州宣德三
關

豫州
初為州唐宗
等城後降縣

太祖朝併原興鎮為
豫京等世祖朝入

長州
一云檄林入端谷
初為州顯宗等城

世宗朝入定平在
西南五十五里

後降縣
麗志云麗初置

長平鎮
古稱古達光宗
等城恭愍王為

入永興在東
四十五里

縣
右光宗時置

隘守鎮
成宗等城後入
又州在西七十

里

文州

初為州後入宜州忠穆王復置○右

文川郡

太宗朝改今名為郡

并成宗時置

雲林鎮

顯宗等城後入文川在西三十

耀德鎮

一名顯德鎮顯宗等城後為縣

入永興在西百二十里

寧仁鎮

清源一云

靜邊鎮

靖宗等城後入永興在東六十

里○并顯宗時置

元興鎮

城柱川置鎮後太祖朝入定平入定州○右靖在南五十里

太祖朝等城後入永興在東六十里

宗時置

永興鎮古稱關防成文宗等城

太祖朝置永興府改鎮名為平州後入永興在西北七十里

德州文宗等宣德城後稱德州因入咸興

在南四十五里○

已上右并文宗時置○

浦內高麗本界止此

咸興府太宗朝陞府成宗朝降郡

置咸州萬戶

燕山時還陞

福州為女真所據稱吳林金村恭愍王逐

端川府太宗朝改今肅宗朝

之置州辛

府陞

卷十一

六

吉州

為女真所據稱弓
漢村恭愍王復其

吉州

太祖朝改吉州
睿宗朝改吉城

地恭讓王置輝州等
處萬戶府加英州宣

鎮化等

州還陞

明縣割州北境別置
川縣中宗朝

英州

恭愍王
入吉州

雄州

志云吉在北雄在
南今未詳其地

明川府

本吉州地
睿宗朝降吉

州為縣割長德山
迤北地置縣以明

原驛為治中宗
朝入吉州尋復置

宣祖朝
陞府

宣化鎮

恭愍王復其
地入吉州

通泰鎮

平戎鎮

崇寧鎮

真陽鎮

公嶮鎮

右六鎮今皆未詳其地○右并

睿宗時命尹瓘逐女真而置之尋還女真

恭愍王五年得之

北青州

恭愍王復其地置安復千戶所

尋改北青州

北青府

太祖朝改青州太宗朝

以與清州音同復稱北青世宗朝

府為



利城縣為女真時利地屬福州

世宗朝以端川北青地併入置縣

甲州為女真所據稱虛川恭愍王為州置

甲山府太宗朝改名為郡改今

萬戶府○右并恭愍王時置

祖朝陸府

三水府本甲山三水堡世宗朝

置郡端世宗朝降萬戶鎮世祖朝

還陞復置郡以三宗朝降縣後無

甲俱在絕北無異六鎮陞府

洪獻縣為女真所據稱洪肯○右志泛

洪原縣太祖朝改名入咸興今

言麗末所置

太宗朝復析置未幾還入咸興世

己上東界二十九
官高麗末界止此

宗朝
復置

慶源府

為女真會家
地太宗十

年割鏡城豆籠縣
北置府於富居站
因稱慶源府世宗
十年又移府於會
家

慶興府

為女真孔州
地太祖朝

拓地置孔州以
穆祖肇基之地改
為慶源府太宗
九年移置於蘇多
老營明年因女真
侵擾空其地徙民
戶併于鏡城世
宗十七年修舊城

八



析為孔城縣尋改
慶興郡又陞府

慶城府
女真稱弓籠
耳遼東志作

木郎古太祖七
年始置鐘城萬戶

太宗朝改陞郡
世宗朝陞府

會寧府
為女真幹木
河地世宗

十六年置會
寧鎮尋陞府

鍾城府
為女真愁州
地世宗十

六年置鍾城郡二
十二年移郡治于

童巾山南
尋陞府

穩城府
為女真多溫
平地世宗

二十二年始置穩
城郡尋陞府徙南
界民戶
實之

富寧府本鏡城之石
幕城世宗

十三年置寧北鎮

後徙鎮於伯顏愁

所即今鍾城府行

營於此置富寧府

省富居縣又割會

寧地錢掛峴以南

地入

之

富居縣太祖朝割

鏡城之富家站入慶

源府太宗朝徙置

慶源府治於此世

宗朝又徙慶源治于

會家而別置富居縣



于此後省入富寧在東六十里

茂山府自車踰嶺虛水羅三峰坪

等地至豆滿江邊

曾為藩胡老吐个

子所據宣祖庚

顯宗甲寅移茂山

僉使鎮于三峰坪

肅宗甲子陞府割

富寧車踰嶺以西

會寧蘆田項以南

之地及豐山堡以入

之

右四十
二官

右二十
三官

寧坡堡 世宗二十
六年廢 世祖七年

移設于雲

寵古基

榛遲達堡以覽等城

世祖朝初廢併于惠

山鎮

柔遠堡世

祖六年廢世

安定堡世

祖四年廢

右四堡今在豆滿

江以北塞外之地

而本係我國地分

故附于此蓋國

初鎮堡入於

江北者多

本朝世宗十四年冬十月元狄哈攻斡木河殺管

秃似是孟哥父子及管下人惟凡察耳伊等哀乞曰

帖木兒

勢難居此願徙慶源附近時反等地上不許十二月咸吉道都節制使成達生馳啓幹木河野人其魁已滅其黨無所投托恐有作耗已令寧北慶源整士馬以待上遣兵曹佐郎禹孝剛諭之安業上召羣臣議曰幹木河本我國地今凡察等若移去而他部落來居又生一敵也不如乘其虛移寧北鎮於幹木河慶源於蘇多老以復舊疆予非好大喜功孟哥帖木兒父子一時俱歿是天亡之也時不可失況豆滿江抱我境天作之險非古人所謂大江作池者乎黃喜權軫曰事體艱大待禹孝剛還宜更議孟思

誠曰孔州我 璿源世居之地今也鞠爲茂草爲野
人所據豈不痛哉詩云日闕國百里此其機也十六
年 上遂以金宗瑞爲咸吉道觀察使措置北邊兵
曹啓曰今設二鎮置土官移本道民一千一百戶于
寧北一千一百戶于慶源輕徭薄歛以厚其生如本
道可徙民戶未滿其數忠清江原慶尚全羅等道應
募者良民則當以本處土職鄉驛吏則永免其役賤
口則永放爲良從之幹朶里卽孟哥部落告禮曹曰今作
鎮幹木河仍令我輩居住乎盖恐其黜之也 上曰
願爲之氓則何逐之若欲徙則何拘之時朝議多有

異同金宗瑞力主其事或者以宗瑞以有限之人力
開不成之役罪可誅也 上不撓專任宗瑞建置慶
興會寧鍾城穩城四鎮築城實民秩滿移授本道都
節制使十九年六鎮合慶源富寧稱六鎮咸定北方永固 上
曰雖有寡人若無宗瑞不足以辦此事雖有宗瑞若
無寡人不可以主此事

金宗瑞疏曰高麗始祖力能統合三韓威不及於
朔方只以鐵嶺爲界至睿宗謀臣騁智誘剪戎醜
遂置九城然旋得旋失我 太祖天縱聖武起於
朔方奄有大東南盡于海西北抵于鴨綠東北抵

于豆滿爰置孔鏡吉端青洪咸七州誠東方闢國
以後未有之盛業也 太宗繼世道洽政治漸摩
既久夷化爲民俗革於善維持鞏固莫敢誰何第
因昇平日久守臣失禦鏡城以北陷爲賊藪 太
宗軫念始置慶源於富居微示復舊之意其於攘
斥夷狄恢復土疆始在 聖上繼述耳曩者羣臣
獻議曰感慶源於龍城今鏡城則北方措置得宜而
民弊盡去矣 聖上以爲 祖宗所守雖尺地寸
土不可棄也固執不從厥後其議復起乃令微臣
往議大臣加置寧北鎮于石幕以定界域倘如議

者之言以龍城爲界猶未免侵凌之患則後之議者必以磨天嶺爲界而又未免則乃以鐵嶺爲界而後已前朝之事可鑑矣以龍城爲界者有一不義二不利感 先祖之地一不義也無山川之險一不利也無守禦之便二不利也以豆滿江爲限者有一大義二大利復興 王之地一大義也據長江之險一大利也有守禦之便二大利也北民有與臣言曰會寧慶源今已築城矣所當築者唯鍾城與龍城惟此二城旣成則我輩無憂矣庶民之心從可知已伏望 聖上不求速成不計小弊

積以歲月持之悠久則浮言自息寇賊自屈新邑

永固矣

初

上御札密諭曰卿商度以啓及是疏上卽遣中官諭曰今見卿書北方之

事予無憂矣仍賜御衣一襲

臣謹按我

太祖起於北方威德並著自潛

邸時江外諸酋咸來服事

卽位之六年遣

李之蘭招安女真自孔州迤北至甲山之地

盡入版圖

咸鏡道觀察使南九萬啓曰在昔

英廟復開六

鎮而其時落胡之居在江內者以離土徙去爲悶

請仍居江內永爲不叛不貳之臣其勢有難一時

盡逐挑其仇怨故自朝廷不得已築長城於江邊而凡江之內地在長城之外者割而與之使藩胡居之所謂車踰嶺外自茂山北行一百二十餘里歷政丞破吾達竹頓毛老東良洞老土部落等地至江邊始有乍乙于施培地乍乙于者胡酋之名而施培者胡語堡城也至今有城基古迹自乍乙于施培沿江東下則歷歇然坪西加先利施都昆等地一百數十餘里始出於會寧農山堡所謂歇然坪等地皆昔日胡人聚落之處開野之廣濶不及於乍乙于施培而土地沃饒是天作輿區決不

可棄而可守也自三水沿鴨江西下七十里有厚
州古地所謂厚州未知設於何年廢於何時而郊
野之廣濶田土之肥沃大異於三甲地形漸下風
氣頗溫又異於三甲霜降最晚五穀皆熟誠可居
之地且自咸興至別害三水界幾四百餘里自三
水至別害又四百餘里則官府政令難及於四百
里外其間民人竄居山谷有若鳥獸之難馴且不
無自中侵掠之患而官家隔遠不得赴愬今若復
置厚州以爲邊防則長津江上下諸堡並爲革罷
而割咸興黃草嶺以西三水李松嶺以南之地合

爲一郡而設邑於別害則其在分境治民之道實爲合宜矣或以爲沿江之地接近彼境移鎮聚民之後潛越之弊有不可防必有連續生事之患此則又有不然者今自會寧至慶興五邑治及各鎮堡皆在江邊若以潛越爲慮而不可設置鎮堡云爾則會寧等五邑邑治鎮堡皆可移入於內地何獨此地之設鎮爲不可而已哉我太祖以東北面元帥率步騎一萬五千踰咸陽之黃草嶺自四郡江界等地渡鴨綠江往擊東寧府兀剌城乃是太祖觸風霜冒鋒刃跋涉建功之地也况今外無

暮夜竊發之虞內有流徙願入之民朝以下令夕而可成有復疆之美無難守之慮顧何憚而不爲哉

平安道古朝鮮之地漢武帝滅朝鮮置樂浪郡以今平壤爲郡治後爲高句麗所有唐滅高句麗爲九都督府置安東都護府於平壤以鎮之後唐以沮江以南之地賜新羅新羅隸于漢州江北皆入於渤海女真後弓裔定十三鎮高麗漸次收復元宗時諸城叛附元元爲東寧府畫慈悲嶺爲界忠烈王時元始還之 本朝初盡拓鴨江內地置茂昌虞芮等四郡以

邊塞多生梗空其地觀察使營在平壤領府二大都

護府一牧二都護府十三郡十二縣十二平壤中和

江西龍山順安咸從安州定州嘉山永柔義州

雲山熙川博川泰川成川德川价川順川慈山祥原

屬東陽德孟山江東殷山江界渭源理山碧潼寧遠

朝句高

鮮麗麗

王平平壤府

初荒廢太祖徙

平壤府

儉壤

州民實之為府尋為

城城

西京文宗置京畿四

道肅宗設文武班及

五部仁宗時以妙清

朝本

三國
都
鮮
國
都

之亂罷京置六縣元
宗時入于元忠烈王
時復為西京恭愍
王時為平壤府

江東縣
仁本平壤東村地
宗割置縣後

入成州恭
讓王復置

江西縣
仁本平壤西村地
宗割置縣

順和縣
仁本平壤西村地
宗割置縣

三和縣
本平壤金堂呼
山添井三部曲

江東縣
世宗朝入三
登後復置

江西縣

饒山縣
本江西甌山鄉
太祖朝割置縣

宣祖朝革
尋復置

順安縣
太祖朝徙置平
壤之安定站改

今名
為縣

三和府
廟宗朝
陞府

地仁宗
割置縣

三登縣
本成州地
文宗
割入西京
仁宗
三登縣
世宗
併入
世祖
朝

析置

復析

安北府
太祖
置府
成宗
安州

恭愍王
改安州
萬戶府
後陞牧

剛德鎮
太祖
置鎮
顯宗
成川府
太宗
朝

通德鎮
太祖
置鎮
成宗
改肅
肅川府
太宗
朝

州後
降郡

太安州
太祖
置郡
尋改
慈山府
太宗
朝
改今名

慈州
後
降郡

仁祖
朝
移治山城
經

丙子兵火後徙今治
肅宗朝移治山城陞

府後又
還今治

安水鎮顯宗改連州後

价川郡太宗朝改今名為郡

復為連州尋改
翼州又改价州

陽巖鎮置此蓋弓太祖時

陽德縣太祖朝合樹德鎮為縣

得十二
鎮而已

宣州本安化郡初置通

宣川府太宗朝改今名

右麗志言麗初置

威化鎮一云古遠化鎮

雲山郡太宗朝改今名

宗為威化鎮成宗改

雲山郡後復

雲山郡世祖朝入寧邊

廣德縣志

蒙兵入海島元宗時
出陸僑居于嘉山境

內因稱雲山郡恭
愍王時還舊土

延州

本密雲郡一云安
朔恭愍王陞延山

府

世宗朝入寧邊
朝割入雲山在東四十里

嘉州

本信都郡一云古
德縣光宗置州高

嘉山郡

太宗朝改
今名為郡

宗降撫寧
縣尋還陞

泰州

本光化縣一云寧
朔又連朔光宗改

泰川縣

太宗朝改今名
為郡成宗朝

今名為州元宗時被
蒙兵殘破入嘉州恭

愍王
復舊

安戎鎮

光宗等城○右
并光宗時置

入安州在酉
六十五里

龜州成宗置州高宗改龜城府世祖朝析置龜城郡尋陞府

即今定州

郭州本長利縣成宗置郭山郡太宗朝改今名

元宗入隨州恭愍王復析置郡

博州初置博陵郡成宗時被博川郡太宗朝改今名世祖朝入寧邊

蒙兵殘破入嘉州恭愍王析置郡

後復置

順州初置靜戎郡成宗入德順川郡太宗朝改今名

州後析置郡

殷州成宗改殷州高宗時被蒙兵殘破入殷山縣太宗朝改今名世祖朝陞府尋

成州恭讓王復置縣

降縣

樹德鎮年成宗二

安義鎮屬隨

興化鎮顯宗隆

長興鎮詳未

歸化鎮詳未

孟州孟一作猛初置鐵

為州高宗時避蒙兵

空其地僑居安州東

村因稱孟州縣後還

舊土○右并成宗時

置徐熙逐女真而置

八城者郭龜宣孟四

州長興歸化安

義興化四鎮

太祖朝入陽德

在西七十里

世祖朝入龜城

在南百七十里

入義州在南

五十五里

孟山縣初入德州

德州

本遼原郡一名長

德州

郡後以孟山併入

忠烈王時避蒙兵入

稱孟德縣後析置

安州蘆島凡五遷因

撫州

本雲南郡一云古世祖朝入德川

青城成宗改今名

龍州

初為安興郡後陞

龍川府

太宗朝加義州

穆宗時置

為郡光海

柳等

并縣入龍州

朔州

初為寧塞縣顯

朔州

太祖朝陞府世祖

朝徙治

鐵州 初為長寧縣一云 鐵山府 太宗朝改今名

州為 銅山顯宗改今名 府 還陞今 仁祖朝降縣後

治車

鞏站

寧德鎮 顯宗等城文宗初改為定寧縣後入

避契丹諱改鎮 義州在東南四十里

定戎鎮 顯宗時柳韶修入義州在

壁置鎮徙永平城民

城之等城世號臨川

平虜鎮 後改 入永

寧遠鎮 後徙鎮永清縣 寧遠郡 世祖朝以熙川

海邊以其地入

定平相去遼遠

熙川

昌州

本長寧縣靖宗改
今名爲州高宗時

昌城縣

太宗朝合昌州
泥城爲郡世

被蒙兵荒廢恭愍王
於州南地置泥城萬

宗朝陞府今
上朝降縣

戶府○右开
靖宗時置

寧朔鎮

本龜城安義鎮
榛子農場○右

入義州在界
百二十里

文宗
特置

清塞鎮

初爲清塞鎮高
宗陞威州又改

熙川郡

太祖朝復置熙
州太宗朝改

熙州屬价川○
右高宗時置

隨州

初昌州人避蒙兵
寓郭州海濱元宗

定州

太宗朝降隨川郡
世祖朝移定州治

割郭州東十六村及
安義鎮以與之稱隨

于此稱定
州省隨川

一之唐虞侯

州○右元宗時置

渭州本樂陵一云古德

寧邊府太宗朝為撫山

文宗時等城後并廢

城藥山因置邑併延

兵入海島元宗時出

山府改今名為府延

陸來居本州古城冒

世祖朝割古延州地

稱撫州屬嘉州恭讓王復

入雲山興覽頗欠詳

析置撫州恭讓王復

明故悉著之

永清縣初置定水縣後

永柔縣安仁鎮則移入

後復析置高宗以

任內通海縣及寧遠

通海縣從入咸

柔遠二鎮併入之為

宗朝改今名

太祖朝入永柔

在北三十里

咸從縣

初置牙善城後改今名

咸從府

景宗朝陞府

龍岡縣

初置黃龍城一云軍岳後改爲

龍岡縣

縣志○右并麗時置而

義州

本龍灣縣初入契丹

義州

太宗朝置府尹

置城稱保州又稱抱州唐宗時歸我改今

名徙南界人戶實之後降歲新縣尋還陞

恭愍王置萬戶府

靜州

初爲松山縣德宗爲鎮

太宗朝入義州在南二十五里

麟州

初爲靈歸縣顯宗改今名爲州

太宗朝入義州在南三十五里

威遠鎮

顯宗遣柳韶修古城置鎮

太宗朝入義州在南二十五里

文獻備考

泥城府

恭愍王逐女
真置萬戶府

江界府

初為女真竊據
稱禿魯江恭愍

王逐
萬戶府

太宗朝析義州東南二
十五里地置定寧縣
世祖朝省
縣還屬

太宗朝入昌
城卽州南地

江界府

太宗朝加立石
等伊彥二地改

名石州
舊號為府

間延府

本甲山郡地間
延村割小薰以距郡

郡屬

本道薰世宗朝陞
割小薰世宗朝陞

府移

世祖朝空其
地移其民于龜城

茂昌郡

本間延府上無
茂昌郡本間延府上無

路堡

世宗朝置萬戶
路堡世宗朝置萬戶

援不及割間延之出哈
援不及割間延之出哈

陰潼

為女真所據稱林
土恭愍王逐之為

孫梁厚州南山等地置
縣後陞郡世祖朝空
其地移其
民于龜城
虞芮郡本間延之虞芮
堡世宗朝以堡去本
道遙隔割本府榆坡
明于小虞芮及慈城之
泰日等地置郡世祖
朝空其地移其民于本
府
慈城郡本間延之時番
江慈作里世宗朝以
其地與間延江界遙隔
就兩邑中置郡世祖
朝空其地移
其民于本府

碧潼郡

太宗朝改
今名為郡

廣作

鎮併碧團
屬泥城

碧團
為女真所據
稱碧入碧潼在西
團恭愍王隸泥城五十八里

○右并恭愍時置

理山府
本女真豆木里
太宗朝置理州

後改今名為郡
景宗朝徙治央土里
景宗朝
陸府

渭原郡
本理山地
世宗朝析置郡割

江界西境入之
祖朝省入理山後復
置今上癸亥以水
惠徙治松峴西距舊
治十里

鮮麗
新
高

本朝

息達
土山
土山縣
顯宗入
黃州忠

祥原郡

縣

肅王陞
祥原郡

加火
唐嶽
中和縣
初入西
仁宗

中和府
宣祖朝
陞府

押
縣
憲德

析置唐嶽荒
谷松串等九
村合為縣忠
肅王陞郡

王改今名
為縣

夫斯
松峴

入中和在
西三十里

波衣縣

縣

右三官
右三官
右五十
八官

右四十
二官

輿地勝覽永柔縣古跡柔遠鎮在縣北三十五里
本高麗平虜鎮寧遠鎮在縣西北四十里

韓百謙曰北境長城起麟州歷平虜諸鎮東傳
于海則平虜似不在永柔且勝覽云以寧遠柔
遠合爲永寧縣後改永柔寧遠與永柔一東一
西不相付接合爲一邑其勢無使恐記錄有誤

臣謹按高麗命崔冲置鎮築城是爲寧遠古

城在關西山峽寧遠人後徙於永清縣是爲
寧遠新縣在關西海墘本朝太祖朝合寧
遠于永清卽寧遠新縣也世祖朝就古寧
遠之地別置郡者卽寧遠古城也寧遠之名
同而古城新縣實異輿覽所載語欠詳明且
平虜鎮當在寧遠古城之境今在永柔境之
平虜鎮卽是古平虜鎮人徙寓之城耳關西
人避蒙兵寄海上諸郡襲舊號者地名多混
附說總論郡縣之制世祖朝具致寬建議忠清全羅慶
尚三道州縣犬牙相錯疆界不正宜割大并小以

就其中韓明澮奏曰州縣錯置得大小相維之制
况畫野已久一朝變更民必騷擾議遂寢

柳馨遠曰古稱一邑爲百里地方百里郡縣之
通制也本國地小邑夥多爲虛器又其分割之
際長短失宜今州府則號稱大邑而地界錯雜
其四至或十里內已爲他境或逾數三邑而不
相連接政令賦役多弊其餘小縣則殘不成樣
百度無寄民生凋弊甚非體國經野爲民設牧
之意必省併得宜而後可以爲治大約一邑四
至各以五十里爲率

山峽民稀之地兩邑相距
遼遠處及海串深入處則

有過於此平野物盛之地及兩邑設治地勢有偏者則不及於此亦當隨其地形事勢之宜以此爲此鳥○漢魏晉志一郡統十餘縣或數十縣一

縣之地大率方百里民稠則減民稀則曠一統志一府所統大率亦十數縣所載山川有距縣一方六七十里者或有數百里者以此見之一縣地大率不下方百里其川貴等人稀處則或數百餘里矣又今中國地方可萬里而總爲縣一千一百二十七以此折計亦爲百里或數百里矣或曰列邑分界犬牙相錯者此亦有意乃所以制服外方之道也是甚不然夫王諸侯地



犬牙相錯者漢高權數之術也彼漢高起布衣
定天下分天下半以封功臣不得不封而患其
強大故使其地形故爲不便以弱其勢耳今堂
堂國家尺土一民莫非我有而偏域之內列郡
數百地不滿百里非連城千里之比定限遞任
非立國繼世之比而故爲使之殘弱是何意歟
夫如是故上則不便於政教下則不便於賦役
是猶自盜其財自病其身者也○高麗時以元
中書省言本國官繁民弊故以梁山郡併于密
陽則本國之地小邑夥亦天下之所知也然高

麗只是乍合一郡以塞人責而已宋史云高麗郡邑之小者或只百家民居皆茅茨大止兩椽覆以瓦者才十二則東方殘弊之由非惟元人言之宋人亦記之

麗史忠宣王謂羣臣曰州府郡縣先王因田丁多少以差等之近來兩班內外鄉貫無時加號甚乖古制有司論罷○仁宗時忠州人弑其父中書門下奏降州爲郡王問左右對曰禮云邾定公時有弑其父者殺其人毀其室洿其官而止耳降州爲郡非古法也

本朝相臣南九萬劄曰外方州縣有惡逆之人則降邑號罷守令非但中國律令之所無我朝經國大典前後續錄皆無此文考見輿地勝覽沿革則或因邑民有功而陞號有罪而革邑此一時之特命而非一定之格例也國初事雖不能詳曾在中宗大王癸卯年安城有賊子憲府啓請降號罷守諫院以紛擾請置上命弘文館考出故事館啓唐太宗貞觀二十年戴州民有犯十惡者有司以教化不行劾刺史賈崇太宗曰堯大聖柳下惠大賢其子丹朱不肖其弟盜跖極惡以聖賢之訓

父子兄弟之間尚不能陶染變革去惡從善而况
刺史之於邑民乎若坐此貶降則或相掩蔽罪人
斯失但令明加糾察庶幾肅清姦惡 中宗大王
然其言置之厥後 宣祖朝安東又有弑逆之變
臺諫請降號罷守筵臣柳希春引 中宗朝事力
爭其不可此出於希春私記未知其後因何論議
遂爲例矣及至 先朝癸卯刑官大臣又以爲降
邑罷守本非法典而施之罪人胎生之地尤涉不
當且州府郡則皆降爲縣而縣則無可降遂革其
邑屬於旁邑主縣官吏待之如屬司故官屬逃散

民人怨咨數年之後便成荒邑此又不可不念者也

柳馨遠曰高麗以來州縣陞革皆因土人之功罪夫誅賞之道各於其人而止矣州縣陞革本非有係於賞罰而紛更不一其弊無窮至如

王妃本貢 御胎所安而陞其邑者亦多 王

妃祖先墳墓則封植之宜矣 御胎則守護之

宜矣尤不當陞降其邑也地有差等故官有州縣名號已定而田賦官吏學校鎮管之類皆有定制一有變更則百度皆失矣若因人罪降革

其邑中國固無其法罷其守令亦非古制唐太宗處賈崇之事綱目揭而書之曰詔諸州有犯十惡罪者勿劾刺史盖是之也

又曰古人云州縣之設有時而更山川之形千古不變所以禹貢分州必以山川定疆界是故禹貢爲萬世不易之書三代尚矣漢唐以降畫野分道如唐之關內河南 大明之山西陝西之類亦必以山川爲名 本國自前州郡因人陞降故變更無常各道因州爲名故又從而變易如今思清道忠州降縣則改爲公清道清州

降縣則又改爲公洪道公州降縣則又改爲洪
清道變易多端無時可定緣其初不以地形故
其末之弊如此各道之名宜以山川地形爲主
抑又於此可見雖名號之末一事不法前聖則
一事有弊定制立法者不可不深識此意

東國文獻備考卷之十二

崇政殿 校正

輿地考 七

山川

一
總說

山之爲宗於域內者十二 一曰三角 二曰白頭 三
曰圓山 四曰狼林 五曰豆流 六曰分水 七曰金剛
八曰五臺 九曰太白 十曰俗離 十一曰長安 十二
曰智異水之爲宗於域內者亦十二 一曰漢江 二
曰禮成 三曰大津 四曰錦江 五曰沙湖 六曰蟾江
七曰洛東 八曰大同 九曰清川 十曰龍興 十一曰

鴨綠十二曰豆滿山先以三角水先以漢江尊京都也

三角山爲京都之鎮南至文殊爲白嶽鷹峰仁王之山王宮在焉酪山峙其左母嶽據其右木覓拱揖于前漢江經其南

以下山
總說

酤酪山自鷹峰東迤爲此山東至安巖鼓巖木覓山自仁王低平南迤東轉起爲此山一麓東爲大小雪馬二峴至于往十里峴車峴母嶽自仁王西迤爲追慕峴爲此山一麓南爲藥峴萬里峴至于龍山一麓西南爲雞堂峙至于卧牛山蠶頭

峰 文殊山一麓東迤至石串峴天藏山一麓西
迤爲碑石峴至于鶯峰孝敬峰 老姑山自三角
西迤爲此山由礪峴至于見達高峰長命山有交
河郡治

○白頭山山海經曰不咸山唐書曰太白山山由鴨
綠土門兩江之間而南南至于臙脂之峰虛項之嶺
環爲天坪東南迤爲寶多沙伊緩項漁隱至于圓山
臙脂峰一麓東迤至大角甘土南甌之山 沙伊
峰一麓東爲蘆隱洞山一麓西至羅漢馬山何方
德 緩項嶺一麓西南爲栢德所里德阿間嶺灰

嶺一麓西至斬刀嶺鍾家嶺 漁隱嶺一麓西至

長平天鳳山有甲山府治

○圓山西北至于馬騰掛山之嶺南至于黃土天秀
趙哥之嶺西至于厚致香嶺太白之山又西南至赴
戰大小白亦黃草麝香又西北至于雪寒之嶺東南
至于狼林之山

圓山一麓東南迤爲鷹峰至于茄坡板幕照美蛇
角磨天之嶺又至于長方牛指籠德沙噐之嶺羊
德城在其南一麓南至隱龍山驅雲嶺自摩天東
南迤至城津之鎮 馬騰嶺一麓南爲檢義德山

至于開花蓮花都羅和山南有端川府治 趙哥

嶺一麓南至于金唱嶺聖代山巖坡驚德嶺五峰

山南有利城縣治自巖坡東至凡朔佐驛磨雲嶺

又自蔬德西南至大德大洞德連山東有北青府

治自大德東南至檜山火項蔓嶺東爲侍中之臺

香嶺一麓南至香坡頭蕪龍卧鶴山有洪原縣

治自頭蕪西南至柎田上下麒麟兔嶺南爲車踰

咸關之阨又西至羅紇草古嶺爲 本宮自兔嶺

西南至盤龍城串山有咸興府治 太白山一麓

北至鋤乙里嶺小白塔山又至銀山東有三水府

治自白堦北至白嶺雲坡之峰北爲沿江四鎮

白亦山一麓南至千佛山 雪寒嶺一麓東迤爲

長津塞堡西北至蔥田嶺茂城火通牛項之嶺西

有江界府治自茂城北至懷德板幕洞有厚州古

縣自懷嶺北迤爲茂昌古縣西至竹田嶺有閭延

古縣西北至中江嶺有虞芮古縣自牛項西北至

掛印自作嶺北有慈城古縣自自作西至麻田三

歧安贊之嶺又自蔥田北爲薪田衝天之嶺

右關北之端川利城北青洪原咸興三水關西
之江界廢四郡諸山原此○東至吉州浮瑞川
南至海及城川江西至江界禿
魯江北至甲山前川及鴨綠江

圓山東北次之山曰長白之山東爲馬踰巨門契湯
偵探車踰梨峴茂山加應嚴明鹿野葛坡松真白嶽
至于造山豆滿江經其東南

長白山一麓南爲石茸峴起雲山將軍坡西南至
長德山西有吉州治自將軍坡東至永平山北有
明川府治自永平東至七寶山東爲漁朗明澗之
社又一麓東迤爲鬼門之阨及六堡巨門嶺一
麓西北至白莎峰鶴棲山有茂山府治一麓東迤
至祖白山有鏡城府治偵探嶺東有富寧府治
加應石嶺一麓東至白沙又南西至清溪廣朝

清巖之山自清溪西至兄弟之巖 巖明山一麓
北至全以尚嶺小豐鰲山西有會寧府治自全以
尚嶺北爲細谷嶺鉢峴龜山至沙烏峴花豐德上
有皇帝塚云花豐西爲錦山北爲獨德峴東南迤
爲北關節度行營東至窟山小白北爲禁山有鐘
城府治自小白東至羅端山北至甌山廣峴東至
慶關嶺南有慶源府治自廣峴西北至永達小甌
山北有穩城府治東北至雲駐山松峰美錢之鎮
錢江自西而環其東南 松真山一麓北爲柳城
萬壽塔峴白鴈之峰 白嶽山一麓東迤至咸林

德南有慶興府治 造山一麓南西爲牛巖鳥喝

海望臺爲西水羅之勝

右關北之吉州明川六鎮諸山原此○東至海南至浮瑞川西至茂山之西川北至豆滿江

○狼林山南至于三劔之山馬踰橫天頭蕪艾田鐵
甕吳江之山東南至于雲嶺弓羅之山東至于巨次
之山東北至于土嶺莊佐之嶺東南至于大莪竹田
麒麟載靈之山東至于花餘豆流之山

上劔山一麓東至天宜靈隱萬年白土鼻白之山
東有定平府治自鼻白南至到城山元定峴堂山
靈山東北至犬頭山城川江經其北 橫天嶺一

麓西至安都里山嘉音嶺南有寧遠郡治 吳江山一麓西至禾易嶺卧龍山松峴孔巖北至梅花嶺秀羅山東有孟山縣治西北至佐兒金城之阻自松峴西至遠陰山八峰彌勒天聖之山東南至江西山溫井峴西至崇化山北有殷山縣治自溫井峴南至虎田山迤爲紇骨十二峰之勝 弓羅鉢山一麓西迤至琵琶鎔峰山南至三万霞嵐山西北至百靈三道看山葛峴九龍山北至孫伊峴香楓山西至劔鶴山南有成川府治自孫峴西至車踰勿移鐵峰山南至歡喜大朴山南有江東縣

治自九龍南至醜峰鳳頭山西南有三登縣治

莊佐嶺一麓東北至畱鶴國泰聖歷山南有永興
府治 花餘山一麓東北至畱雲伐羅山南有高
原郡治一麓西迤有陽德縣治

右關北之定平永興高原關西之寧遠孟山設
山成川江東三登陽德之諸山原此○東至海
南至文川北川及陽德南川
西至順州江北至寧遠北川

狼林西次之山曰太白之山西至于甲峴道湯狄踰
之嶺白山狗峴至于梨坡之嶺梅花棘城至于牛峴
之阨車嶺丫號至于月隱之嶺昌城之街西北至于
甫里之阻大小九階之嶺南至于宋洞緩項之阻大

小束沙之阨西至于大小防墻之嶺西南至于界畔
洗井溫井蓋幕之山南至于大小城嶺天磨之山西
至于青龍之山蘆洞之峴西南至于長峴梨峴艾嶺
北松普光華嶽東顧白雲望日之山南至于長化之
山爲西林之阻西至于龍骨法興彌羅彌串之山當
大揔入海之口

白山一麓西南迤至熙川郡治 狗峴一麓北至

貂幕嶺大勿移山長坡箭川嶺又至獨山豆邑嶺
西至於外董董嶺迤至甘湯楸嶺南有渭原郡治
自楸嶺西至清溪藥大林里山吾老梁之鎮禿魯

鴨綠之江會于西北自大勿移山北至崇積山栢
坡嶺西南至薪峴三梗嶺北至多樂嶺西北至艾
峴巨雙嶺東北至安贊磁峴南有理山府治自薪
峴西北迤至擺撥嶺銅遷山 棘城嶺一麓南至
雲臺山馬踰嶺東南至耳山西南至鐵甕之阻是
爲寧邊府治 昌城街嶺一麓南迤至於自嶺唐
莪之阻地境峴東至松林白壁山南有雲山郡治
自唐莪西至雲頭山東南至三角山牛蹄嶺香積
五峰山德山三漢峴卧龍山南有博川郡治自三
漢南迤至天登鳳麟大蔵山至古城之鎮清川大

定之江會其下

甫里見子嶺一麓東至崔擔嶺

北迤至甌峰慈唐山又至東主峰有碧潼郡治

大防墻嶺一麓北至三峰東主山北有昌城府治

自三峰東北至自作之阨子孱之隅北爲沿江三

鎮 溫井嶺一麓北至件田烽山有朔州府治

天磨山一麓西迤至橫嶺三峰葛峴松山三角山

有義州府治自松山南至鶴峴加老嶺迤爲白馬

之阻西北至鎮兵串爲麟山之鎮自天磨東迤爲

大朔州之阨自白馬至 太祖峰古津江經其南

青龍山一麓東至八營山東南至安泰鳥山有

泰川縣治自烏山西爲籠吾之阨。蘆洞嶺一麓
東迤至犁丘山東有龜城府治。梨峴一麓東迤
至天劔吉祥妙峰山南有郭山郡治自吉祥東南
至深源獨將山南有定州治自深源東至泉峴大
小之峴炭峴放牛山南至青龍鳳頭山南有嘉山
郡治自鳳頭西南迤至曉星嶺。北松山一麓南
至舞鵲山西南至利峴大睦山西北迤至宣川府
治。東顧山一麓南至月隱舟山西至劔隱山有
鐵山府治自舟山南爲東林之阻又自舟山西南
至左峴雲暗山爲熊骨之阻。龍骨山西北迤南

有龍川府治

右關西清北諸郡之山原此○東至禿魯江南至清川江西至海北至鴨綠江

狼林西南次之山曰只幕之山廣城之嶺西南至于
柞川同茂竅香之檢山東南至于謁日長安之山又
西南至于卵結白雲姑射墨方之山都會之時又南
至于西山馬頭悟道舍朴到雲黃龍之山慈母之阨
又西至于法弘虎田於把都延之山南至于靈川米
豆鎮望獨子之山西南至于豆登國靈之山望海儉
巖至于虎頭牙善之山窟靈鳳哭至于烏石花精之
山石骨甌覆至于慈正之山南至甌惡之山廣梁之

險南望許沙之琵琶山

檢山一麓東南迤至觀音堂山南有德川縣治一
麓南至大林山南有价川郡治 墨方山一麓南
至奉日雲頭刀山南有順川郡治 西山一麓西
至加頭山西有安州府治 舍朴山一麓南至白
石唐山南有肅川府治 黃龍山一麓南至梨花
山南有慈山府治 慈母山一麓東至鳳麟熊草
山南至慈華兄弟錦繡山南有平壤府治一麓西
南至浮白山南有順安縣治 米豆山西有永柔
縣治 國靈山南有甌山縣治 檢巖山一麓西

至日出舞鶴山南有江西縣治 牙善山西有咸
從府治 鳳哭山一麓東南至高靜勒鳴山迤爲
急水門 烏石山南有龍岡縣治 花精山一麓
南至姑蘇山有三和縣治

右關西之清南德川以兩諸郡之山原此
○東南至大同江西北至海及清川江

○豆流山東南至蘆洞之峴盤龍之山南至馬息之
嶺老人之峙又南至朴達白鶴洩雲雪吞分水之嶺
盤龍山一麓東北至鞍峴普賢山東有文川郡治
一麓東至長林山有德源府治 馬息嶺一麓東
南至寶城山晚項峙東迤至元山 朴達山一麓

西南至福嶺廣腹山環爲廣腹洞又至紫霞箕山
德津榆津會于其下 白鶴山一麓東北至雪峰

山爲釋王寺

洩雲嶺南有國都里卽弓王故都

右關北之文川德源諸山原此○東至海南至
安邊前川西至伊川古城江北至文川北川

豆流西次之山曰灰嶺袈裟之山西南至高達開蓮

灰嶺東迤至永豐古縣 袈裟山一麓西至友峙

所串山一麓南西至達寶五倫清凉山

右關北之安邊及嶺東之伊川西境海西之谷
山東境諸山原此○東至安邊永豐川南至谷

山梧桐川西北
至陽德前川

開蓮南次之山曰箕達之山天盖華盖至于鶴峰首

龍之山白峙牛耳至于聖居天摩之山又至于扶蘇之岬南有松京

箕達山一麓西迤至太一九峰山南有新溪縣治
鶴峰山一麓東南至兔山東有兔山縣治 首

龍山一麓南至加勿峴古王尾頭山南有麻田郡
治又南有崇義殿 白峙一麓西至大屯箕山有

牛峰古縣 天摩山一麓東南至華莊龍虎望海

山東迤至白嶽山南有長湍府治 松嶽山一麓

西迤爲青石礪峴之險至春明山北有金川郡治

一麓南至進鳳山夫蘇山自進鳳西南至白龍山

西迤至豐德府治

右海西之新溪兔山金川畿西之麻田長湍豐德開都諸山原此。○東至臨津江南至祖江西

至禮成江北至新溪鳥巢川

開蓮西次之山曰德業之山又西至于大隴之坡北
至于甌擊彥真之山南迤至于蔓嶺西爲明月天子
南爲梁坡造山勃隱五峰葛峴西南至于黃龍之山
車踰之嶺南至于滅惡之山

甌擊山東有谷山府治 蔓嶺一麓南迤至遼東

山南有遂安郡治 天子山一麓西至五峰頭尾

城山之阨北至法華盤龍山東北至祥原郡治自

法華北至雲鷲山南西至七峰高井駒峴北至清
涼山南有中和府治自雲鷲西北至木覓山西控
箕城自駒峴西至海鴨定夷山西望保山自七峰
南至天柱碧花山南有黃州府治 勃隱峙一麓
西南至大峴之阻北西至高德羅帳大尼山南有
瑞興郡治又自高德西北至酸梨慈悲之阨西至
商山檢德嶺南至龜山有鳳山郡治自檢德西至
月下洞仙之阨正方之阻

右海西之谷山遂安黃州瑞興鳳山關西之祥
原中和之諸山原此○東至猪灘南至新溪西
川西至月塘江北至能成江

滅惡南次之山曰成佛雲達之山南西至于吹螺唱
金佛足北嵩之山西北至于文山天奉西至于達摩
北至于龍門又北爲錐山至于廣大九月之山又自
文山西南迤爲長登之峴至于壽大紫丹之山西至
于青巖錢山開龍之山又自達摩西至于鶴嶺圓通
極樂佛陀又西至于彌羅長山醢甕之險西南望白
翎之島東北望許沙之戍

滅惡山一麓東南至所羅西峰山東有平山府治
自西峰東迤爲太白之阻一麓南迤至于雲峰月
峰金剛之山西迤至黃衣高頂天登雉嶽之山南

至白川郡治自高頂東至天神山有江陰古縣又
自金剛南至牧丹金山東至龍縛山西南至飛鳳
山南有延安府治 唱金山一麓南至青台皮串
山南對龍媒之島 佛足山一麓南至牛耳龍首
山南有海州府治一麓東至首彌首陽山 天奉
山一麓東北至陵洞馬山東至地境峴北迤至劔
山有載寧郡治自劔山北至栗甲浦三歧江在其
北 龍門山一麓東至雲溪山東北至牛山寨墻
花山南有信川郡治自雲溪北至乾止山西有文
化縣治 廣大山一麓西至墨山大小藥之山東

迤有松禾縣治自大藥西至蘇要嶺瑞麟峰南有
豐川府治自小藥南至磚石西至槐林東至杜鵑
山有長淵縣治 九月山一麓東至古靈楊山南
有安嶽郡治一麓北迤至四王鳳凰山南有長連
縣治又一麓西至乾止山南有殷栗縣治 守多
山一麓西南至鵲山富民山南有康翎縣治自鵲
山東南至鳳凰山又南至堅羅山西爲登山之險
北控于水營 青巖山一麓東南至栗峴花山一
麓至甕津府治 錢山東南至青蓮山南爲所江
之阨 彌羅山一麓西至倭城嶺金沙之勝

右海西之平山白川延安海州載寧信川文化
松禾豐川長淵安嶺長連殷栗康翎貧津之諸
山原此○東至禮
成江南北至海

○分水嶺北東至于青霞楸浦風流鐵嶺之阨又東
至于板機騎竹之嶺南至于猪踰楸池板幕洒嶺東
南至于温井又南為金剛之勝

騎竹嶺一麓北至黃龍飛雲白雲鶴城之山西有
安邊府治自黃龍東至後峰山朴山南有歛谷縣
治自朴山東北迤為侍中臺猪踰嶺一麓東南
至雙鶴觀音禾登山南有通川縣治自雙鶴東迤
至姑峰叢石之勝洒嶺一麓西至禾憚嶺北至

白嶽山扶老嶺西至獐尾義館山南有淮陽府治
自末暉南迤爲斷髮天摩大小東坡之嶺和川烏
川會其下 溫井嶺東迤至高城郡治北有三日
浦

右馬北之安邊嶺東之歙谷通川淮陽高城之
諸山原此○東至海南至高城九龍川淮陽新
津江及嵐谷川西
北至安邊南川

分水嶺東次之山曰白冰雙嶺之山南至于箭川水
于之山餘破五申至于忠峴佛頂大成至于白雲望
國之山雲嶽注葉至于祝石之峴西至于佛谷弘福
之山南至于道峰三角之山

三角山
見上

分水嶺一麓西迤至竹林朱水分枝山北迤至猪
目城山南有伊川府治 白冰山一麓南至帳巖
山迤爲大野至獐望新城山南有平康縣治自新
城南至霜峴栽松坪蘇伊山南有鐵原府治自蘇
伊西南至寶蓋山南至五峰金莊山自寶蓋西北
至眞明山南有漣川縣治自新城南迤至楓川原
是爲弓王舊都自獐望西南至栗枝末應白雲萬
景山南有安峽縣治自末應南迤至連景鵬耳山
南有朔寧郡治 雙嶺一麓東南迤至白亦慶巴
山南有金城縣治 五申山南迤至金化縣治

大成山一麓東南至浪首啓聖牲山有狼川縣治
白雲山一麓西至觀音佛谷山南有永平縣治
雲嶽山一麓東南至劔峰山南有加平郡治一
麓西北至水源城山南有抱川縣治又一麓西南
至黔丹德巖山自黔丹南東迤至天摩露積雲吉
山祝石嶺一麓西迤至水落山南迤至佛巖天
寶儉巖山西南至義嗟山佛谷山南有楊州治
弘福山一麓西北至蟹峴車峴雪馬紺嶽山西
有積城縣治自雪馬西北至坡平山西南至木峙
西至城山南有坡州治一麓西迤至日嶺峰高嶺

祥雲山自高嶺西至雙佛峴月籠山西迤至鰲頭

山漢水湍江會其下又自高嶺西南迤爲惠陰之

阨南至長嶺有高陽郡治西迤至院谷嶺烽火峴

右關東之伊川平康鐵原安峽金城金化狼川

畿北之朔寧連川永平加平抱川楊州高陽之

諸山原此○東至新津江南至漢江西至臨津北至平康榆津

○金剛山南至檜田珍富磨耆屹里彌時西至于

雪嶽東南至于五色連水曹枕又南至九龍之嶺

五臺之山

檜田嶺一麓南至亥安兜率山西北至鳩峴又南

至飛鳳山南有楊口縣治自兜率南至廣峙豆尾

嶺伏龍山南有麟蹄縣治自廣峙西至四明清平
龍花水清牛頭之山有古貆城南至白鷺之洲新
津昭陽江會于西南 磨者羅山一麓東迤至杆
城郡治 珍富嶺一麓東爲清澗之勝一麓東北
至五陰山爲仙遊潭凌波臺 雪嶽山一麓東至
靈穴沙峴峴山南有襄陽府治自沙峴東北迤至
洛山寺

右關東之楊口麟蹄杆城襄陽之諸山原此○
東至海南至江陵連谷川及麟蹄江西至春川
毋津江北
至九龍川

○五臺山東南至于大關插當百福之嶺頭陀青玉

之山西至于竹峴建儀之嶺大朴太白之山

大關嶺一麓東迤至丘山又迤至江陵府治北有

鏡浦 青玉山一麓東至葛夜山有三陟府治有

竹西之勝

右關東之江陵三陟諸山原此○東至海南至
三陟五十川西至江陵橫溪川北至連谷川

五臺西次之山曰銀豆之嶺燕方清涼泰岐之山北
至于孔雀南至于五音西南至于三馬不動上元龍
門之山馬遊馬峴至于月溪之遷簇尺之島北江南
江會于其西

燕方山一麓南至毛老峙斗滿山東南至碧波嶺

觀音飛鳳山南有旌善郡治自斗滿南至栗峙甌
峰鉢山南有寧越府治 清涼山一麓北至栢峙
建移加里中田山西至大龍鳳儀山西有春川府
治自大龍山西迤至香爐鳳臺之勝自加里西南
至石花山南有洪川縣治 泰岐山一麓東南至
仇味禿峴獅子山東至水精魯山有平昌郡治一
麓南至檜峴車踰九龍雉嶽白雲之山北至食嶽
東有原州治自雉嶽東南至紺巖龍頭山南有堤
川縣治又一麓西至鼎金山西南至馬山南有
橫城縣治 不動山一麓南至葛峴西至墨万山

西有砥平縣治自墨方西南至趨揖山 龍門山

一麓南迤至所乙峴飛踰山西有楊根郡治

右關東之旌善寧越春川洪川平昌原州橫城
湖西之堤川畿輔之砥平楊根諸山原此○東
至江陵于筒水及麟蹄江
西至灑江北至昭陽江

○太白山西至于水多白屏之山又西至于馬兒串

赤之山又西至于小白之山為竹嶺之阨又西南至

于兜率鵲城之山黛眉雞立之嶺為鳥嶺之阨伊火

曦陽南至于周峴大耶之山佛日華山至于俗離之

山

水多山一麓東至破鱗峴西至覺華山 白屏山

一麓東南至文殊龍砧金輪之山南有奉化縣治
自金輪東南至豐樂山新羅峴又南至邀聖寨芝
城隍之山南有禮安縣治自邀聖西至轉祿山南
東至天登楮首山南有安東府治自攀芝東迤至
陶山之勝自朴達西至豆毛峴照骨嶺鶴駕山至
花山有豐山古縣 串赤山一麓南至鳳凰峰鐵
吞山南有榮川郡治 小白山一麓南至飛鳳山
南有順興府治一麓東北迤至城山南有永春縣
治 竹嶺南迤至豐基郡治 兜率山一麓北至
頭穴山兀山有丹陽郡治 鵲城山一麓東至鳴

鳳山冰山西南至花嶺龍門山東至德鳳山東有
醴泉郡治自龍門南迤至竺山南有龍宮縣治

黛眉山一麓北至毛女峴衣峙飛鳳山北有清風
府治自毛女北西至月嶽大林金鳳山西有忠州
府治 雞立嶺一麓南至王屹山南有聞慶縣治
伊火峴西迤至延豐縣治 華山一麓東至宰
嶽山南有咸昌縣治

右嶺南之奉化禮安安東榮川順興豐基醴泉
龍宮聞慶咸昌湖西之永春丹陽清風忠州延
豐之諸山原此○東至安東穿川南至
咸昌猪谷川西至健川江北至錦障江

太白東次之山曰榆峙東南至于蘇邑末欣白屏之

山南至于高草劒磨白巖德峴西揖之嶺東南至于
龍頭之山西北至于林勿之峴西南至于弁峴周方
於火之山西至于普賢之山南東至于鷹峰六峴馬
北雲注至于成峴舞鶴之山朱砂四龍至于只火斷
石之山雲門迦智至于穿火之峴東南至于鷺棲圓
寂之山南至于金井花池嚴光之山迤至沒雲之勝
白屏山一麓東至簑笠宿乙比山南至昂峙南有
蔚珍縣治 劒磨山一麓東至日月清涼山南至
長葛山東山峴西至巫峽大灘廣灘會于西自日
月南至興林山南有英陽縣治 白巖山一麓東

至金莊山東南至釜谷山南有平海縣治 龍頭

山一麓東南至南眠騰雲半浦山東有寧海郡治

一麓南東迤至花林無菴山南有盈德縣治 林

勿峴一麓西至月外南角山北有眞寶縣治 弁

峴一麓西至放光山南有青松縣治 普賢山一

麓南迤至騎龍山迤至永川郡治一麓西至放立

茅峴北迤至黃山之阻自茅峴西至大峴屯德山

西有義城縣治自大峴西北至雞卵外夜豆易之

峴龍角山北有一直古縣自放立西至船巖龍頭

山南迤至義興縣治自船巖西迤至馬井山北有

軍威縣治又自放立西南至花山之阻南有新寧
縣治自花山西南至公山東南至無落山東有河
陽縣治自公山西至架山之阻中有漆谷府治架
山之西曰蘇耶峙巢鶴黃鶴流嶽山北至天生之
阻爲玉山西有仁同府治架山之北曰知士並非
峴韓敵山青花山北至白馬山東迤至城隍山東
有比安縣治自白馬北迤至萬嶽有丹密古縣
鷹峰東至呼鶴山有清河縣治 馬北山一麓南
至飛鶴山東北至禱陰望昌山北有興海縣治
四龍山一麓西南至九龍三聖大龍大王山西爲

馬巖山省峴八助峙北西迤至琵琶山北爲成佛
連龜山東有大丘府治自九龍西至簞山北爲金
朴到天山南有慈仁縣治自大王北至賢聖長鼓
山西有慶山縣治自琵琶西迤至玄風縣治又自
琵琶南至榆南火王山西南有昌寧縣治自火王
東至古老峙華嶽山北至鰲山北有清道郡治自
華嶽南至推火山南有密陽府治又自火王南至
靈鷲太子山南有靈山縣治 斷石山一麓南至
伏安咽薄山東北至墨匠鷄述嶺北迤至吐舍明
活山西至狼山有慶州府治自吐舍東至楸嶺舍

月山北至柿嶺東至望海東有長髻縣治自舍月
北至雲梯山北爲迎日縣治自鴟嶺南東至東大
無里龍黃茅山南有蔚山府治 迦智山一麓東
至高嶽南至花莊山南有彥陽縣治 圓寂山一
麓西南至城隍山西有梁山郡治一麓東至白雲
鐵馬炭山東南有機張縣治又一麓東南至輪山
南有東萊府治 花池山東至荒嶺釜山鎮東有
左水營 嚴光山東迤至草梁倭館

右嶺東之蔚珍平海嶺南左道之英陽寧海盈
德眞寶南至東萊等邑之諸山原此○東南至
海西至洛東江北
至三陟五十川

○俗離山南至于九峰鳳凰之山熊峴熊耳至于高山東至黑雲之山西至于秋風之嶺南至于掛榜黃嶽三聖牛頭三道大德之山西南至于德裕之三峰白巖鳳凰之峰南至于六十之峙長安之山

俗離山一麓東至黃嶺宰嶽山有咸昌縣治 九峰山一麓東至露陰天峰山西有尚州府治 黑雲山一麓南至五波山南有金山郡治一麓東至倭峙俗門山南至甘文山南有開寧縣治自俗門東迤至淵嶽竹峴飛鳳山南有善山府治 秋風嶺一麓北西至五道峙西迤至黃澗縣治 三道

峰一麓西至都麼峙白雲山北至天摩山沙邑峙
西至城隍山西有永同縣治自白雲西至白花香
爐山有茂朱府治一麓東南至龜山有知禮縣治
大德山一麓東至牛頭峙修道山爲伽倻山東
南至美崇山有高靈縣治自修道北至餅峴東至
箭峴斐旨山東南至印縣山南有星州府治自斐
旨北至扶桑峴爲金烏之阻自伽倻南至豆毛烏
頭山南迤至陝川郡治 三峰一麓東南至乾興
山南有居昌府治 白巖峰一麓北爲香積峰迤
至曳峴爲赤裳之阻一麓南至佛影月峰金猿旗

泊山鳥嶺官述之峙南東至鳥谷嶺南至密帖東
山有山清縣治自密帖東至黃梅葛項馬莊山有
三嘉縣治自葛項東南至花旨縣閣崛山東迤至
德山有宜寧縣治自閣崛南西至豆峴道峴集賢
廣濟山南迤至飛鳳山有晉州治自花旨東北至
清溪山有草溪縣治 鳳凰峰一麓西至白華天
方山自三峰至此皆稱德裕之峰而德裕山稍左
於南去正幹故不入

右嶺南之尚州金山開寧善山知禮高靈星州
陝川居昌山清三嘉宜寧晉州草溪湖西之黃
澗永同湖南之茂朱諸山原此○東至洛東江
南至矗石江及安義玉山川西至長水白花川

及茂朱召爾津北至威
昌前川及青山前川

俗離西次之山曰回踰之時龜峙燕峙至于皮盤之
嶺仙到之山北至于巨竹之嶺上岑之山爲上黨之
阻東至于粉峙坐龜之山北至于普光鳳鶴之山又
西北至于甌山麻谷普賢小俗離望夷之山西爲周
傑七賢之山

燕峙一麓東至舍林山南有報恩縣治一麓西南
至車衣峴東南至金積德義已城之山有青山縣
治皮盤嶺一麓西南至金方山東至九龍墨峴
阿麼山南有懷仁縣治自金方西北至栗峙壤城

山南有文義縣治自壤城西至多子八峰山當龍
塘之口東津荆角會其下 上岑山一麓西至卧
牛唐美山西有清州治 坐龜山北迤至清安縣
治 普光山一麓東北迤至錦山太原山東有槐
山郡治 普賢山一麓東北至此音炭峴迦葉山
南有陰城縣治自炭峴北至芙蓉車儀元通白巖
之山漢水民川會其西

右湖西之報恩青山懷仁文義清州清安槐山
陰城之諸山原此○東至健川南至青山前川
西至清州荆角津及鵲
川北至利川天民川

七賢北次之山曰白雲九峰之山北至于大小曲頓

之峴西南至于聖崙之山又北至于水踰負兒寶蓋
石城之山西南至客望峴西北至光教山又北至于
鶴峴清溪之山西至于冠嶽北朝於京城

白雲山一麓東至鼎陪飛鳳山南有竹山府治一
麓西至九苞飛鳳山南有安城郡治 曲頓峴一
麓北至左贊峴定水山南有陽智縣治自定水東
至羊角山雪峰山有利川府治自左贊東南至乾
止大德五音雪城靈嶽之山南有陰竹縣治自靈
嶽北東至好泉山新文峴東北至北城山東有驪
州治北迤至鶯峰 聖倫山一麓西迤至天德山

南有陽城縣治

負見山一麓南有處仁古縣迤

至舞鳳釜山南有振威縣治

石城山一麓西至

香水山南有龍仁縣治一麓北至禪長文殊秋峴

葛馬之山爲利峙之阨南漢之阻廣州治在焉自

南漢北爲黔丹山

客望峴西迤爲禿城之阻

光教山一麓西南至沙斤峴五峰增嶽南至鉢帖

山有水原府治自增嶽西至台山建達飛鳳山南

有南陽府治自飛鳳西迤至屈峙海望山當花梁

之鎮自建達南至甘巖廣德山天津浦經其南又

自建達西南至興天山望海臺北有雙阜古縣自

五峰西北至修理山西有安山郡治自修理西北
至五子蘇來星峴西有仁川府治自蘇來北至甌
山城山東有陽川縣治自星峴西北至朱岸元積
鏡明桂陽山南有富平府治自鏡明北至北城山
北有金浦郡治自北城西至歌絃藥山西北至文
殊山南有通津府治西至甲串津 清溪山一麓
東至月峴大母山 冠嶽山一麓南有果川縣治
東至狐峴修道山一麓西至黔芝山西有衿川縣
治

右畿輔漢南諸邑之山原此○東至天
民川南至素沙川西至海北至漢江

七賢西南次之山曰青龍之山西南至于聖居望日之峙南至于月照義郎之峙西至于車嶺西北至于雙嶺又北至于廣德之山角屹之峙又西至于松嶽納雲之峙南至于車踰之嶺獅子之山西南至于牛山九峰白月星台之山西北至于烏棲寶蓋之山月山修德至于伽倻之山聖旺八峰西至于白花知靈之山爲安興之險

青龍山一麓東南至脅吞之峙寶蓮之山至城山東有鎮川縣治望日峙一麓西迤而北至蛇山南有稷山縣治一麓南至黑城南有木川縣治又

一麓南至王字山南有天安郡治又一麓西迤爲
堂山南有平澤縣治又自王字西迤至燕巖薪城
山西有牙山縣治 月照山一麓南至甌山南有
全義縣治 儀郎峙一麓東南至城山南有燕歧
縣治 雙嶺山一麓南迤爲麻谷維鳩之阨 松
嶽一麓北至蘇機峴禁城山東至燕山有溫陽郡
治自蘇機西至道高山南至金烏山南有禮山縣
治自禁城北至大峴城山東有新昌縣治 獅子
山一麓南至大峴七甲山東至大朴山南有定山
縣治 牛山南有青陽縣治 白月山一麓南至

萬壽山東至荒次天寶月明山南至飛鴻山南有
鴻山縣治自月明西至九折板南至陽陰山扶蘇
峴兩儀山南有庇仁縣治自扶蘇東至金福山南
迤至烏山南有舒川郡治又自扶蘇東至楮峴南
至麒麟乾止山東有韓山郡治自楮峙東至老姑
聖興山南有林川郡治 星台山一麓西迤至聖
住玉馬山西有藍浦縣治 烏棲山一麓西至鎮
堂山西有保寧縣治一麓東至鴈峙金龜鳳首山
任存城東有大興郡治 寶蓋山一麓西至秤山
青龍山南有結城縣治 月山東有洪州治 伽

仰山一麓東迤至德山縣治西迤至海美縣治一麓東北至馬山蒙山南有汧川郡治自蒙山北至申庵山綠雲峙西有唐津縣治 聖旺山南有瑞山郡治北至大山平薪之阻 白華山南有泰安郡治

右湖西錦北諸邑至內浦之諸山原此○東至鵲川南至白馬龍堂津西至海北至素沙川

○長安山南至本月之峙白雲之山箕峙柳峙女院峙至于智異之山

白雲山一麓東至天王城山東有安義縣治自天王南迤至白巖山有咸陽府治 柳峙一麓南迤

至荒山西北爲鼎山 女院峙東有雲峰縣治

右嶺南之安義咸陽湖南之雲峰之諸山原此
○東至安義玉山川及雲峰馬川南至求禮潺

水津西北至
南原礪巖川

長安西次之山曰蘆峙水分之峴西北至于聖跡八
公之山又北至于聖壽中臺馬耳之山

蘆峙一麓西至長水縣治 水分峴一麓南西至

普賢百工山南有南原府治西迤至楓嶽爲蛟龍

之阻 聖壽山一麓西至高達屈峙斗滿山北至

沙峴東至龍繞山南有任實縣治

右湖南之長水南原任實之諸山原此○東至
礪巖川南至淳昌赤城津 至鎮安西川北至

東川及白
花山川

馬耳西北次之山曰積川熊峙南至于獅子之山西
至于白雲正覺之山鋤峙塞墻至于雲南之山南至
于墨方雲住之山西至于屈峙七寶屯月葛峙又南
至于內藏之山

馬耳山一麓北迤至富貴山東有鎮安縣治 獅

子山一麓北西至萬馬洞山麒麟峰乾止山南有

全州府治 正覺山一麓北至古德完山北控于

全州 雲南山一麓北至于白如峙母嶽山歸信

炭峴西迤爲大坪至僧伽山南有金堤郡治至道

鳳山東有萬頃縣治自歸信西至鳳頭山西有金溝縣治自白如西至象頭竹寺山南有泰仁縣治屯月峙一麓西至鷹山有井邑縣治葛峙東迤至福興古縣

右湖南之鎮安全州金堤萬頃金溝泰仁井邑之諸山原此○東至鎮安西川及任實烏源川南至淳昌鮎巖川及井邑木梯川西至東津江北至泗水江

馬耳西北次之山曰積川珠峯之山北至于王師屏山炭峴梨峙西北至于大屯兜率黃嶺開泰之山又至于雞龍之山西至板峙又西南至于望月扶蘇之山釣龍落花之勝白馬江經其西南

珠翠山一麓北至杻峙東至龍岡山南有龍潭縣
治王師峰一麓西迤至佛明萬木秀嶺至于文
殊山南至鳳山有高山縣治自秀嶺北至摩耶蘇
湖乾止山南有恩津縣治自文殊北至壺山西有
礪山府治又自文殊西至門峴彌勒乾子山南有
益山郡治自彌勒北至舞鶴山南有龍安縣治又
自彌勒西至咸羅山有咸悅縣治西南至鷺城山
芮山南有臨陂縣治自鷺城西北迤至五聖山又
西至月下大巖鉢山南有沃溝縣治屏山一麓
東至月峰所山有錦山郡治自月峰東至松院峙

北迤至西臺山又北至東林馬城山有沃川郡治
自松院北至萬仞山東至食莊山又北至雞足山
南有懷德縣治一麓東北至五臺仁大山南有珍
山郡治 大屯山一麓北迤至安平亥胎山新峙
松峙西有儒城古縣 黃嶺西有連山縣治 雞
龍山一麓西迤至產長山有鎮岑縣治 板峙一
麓北至月城公山北爲雙樹之阻南有公州府治
一麓南至魯山有尼山縣治 望月山一麓東南
至白也峴波鎮山有石城縣治 扶蘇山南有扶
餘縣治

右湖南之龍潭高山礪山益山龍安咸悅臨陂
沃溝錦山珍山湖西之思津沃川懷德連山鎮
岑公州尼山石城扶餘之諸山原此○東至
召爾津南至泗水江西至海北至白馬江

內藏東南次之山曰白巖之山曲道滅峙東至于秋
月龍泉之山南爲金城之阻南至于果實玉泉之山
西南至于萬德無等之山東南至于景山九峰之山
西至于天雲之山南迤至于中條呂岵之山西至于
華嶽鳳尾雙溪之山加音屯德之峙西南至于火峙
月出之山南至于駕鶴之山東至于瑞氣之山又南
至于馬岵之山又南至于玉泉頭輪達馬之山南望
耽羅之漢拏山又自華嶽南至于龍頭億佛之山東

北至于獅子伽倻舟越金華周路金錢之山又北東
至于分界之峙曹溪之山又東至于洞裏松峴雞足
兜率白雲之山與智異對峙於蟾江之南北

白巖山一麓南至龍龜夢合山北西至塞峙聖子
山西有長城府治 龍泉山一麓東至武夷山追
山南有淳昌郡治 果實山一麓東迤爲雪山有
玉果縣治一麓西北至台山有潭陽府治 玉泉
山一麓東至藍峙聖德九峰北至猫峙動樂山東
有谷城縣治自聖德南至白鴉松峴雲月峙母后
山西有同福縣治 無等山一麓西迤至光州治

一麓北至月峰高山北有昌平縣治 華嶽山一
麓北至熊峙千佛望海山東北至雲山北有綾州
治 鳳尾山一麓北至德龍楓山北有南平縣治
屯德峙一麓東至姑射峙南有道康古縣自姑
射東至修仁山南有長興府治 月出山北有靈
巖郡治西爲道岬鳩林之勝 瑞氣山一麓西迤
至寶恩山南有康津縣治 玉泉山一麓西至金
剛山南有海南縣治西至玉梅山日星峰南有右
水營南臨鳴梁之浦自日星西北至登山之浦東
北望榆達山於沙江之南 億佛山一麓南至佛

湧天冠之山 伽倻山一麓北至德山有寶城郡

治 草巖山一麓東南至知來望主看屯山南有

興陽縣治 金錢山南爲樂安郡治 松峴一麓

南至香林山有順天府治 雞足山一麓南至省

成峙靈鷲山有麗水古縣一麓南至白雞山南有

光陽縣治

右湖南之長城淳昌玉果潭陽谷城同福光州
昌平綾州南平長興靈巖康津海南珍島寶城

興陽樂安順天光陽之諸山原此○東至赤城
津及蟾江南至海西至沙湖江及長城黃龍川

北至鮎
巖川

內藏西南次之山曰笠巖之山東至蘆嶺半登之山

北至栗峙小蘆之嶺西北至于墨方邊山

半登山一麓南至鷺靈山西南至九王高山高城
磨帖母嶽三角君尼之山南至箕山有咸平縣治
自箕山南至坎方淵澄山有務安縣治又西南至
僧達鋤達山東有三鄉古縣南爲木浦之鎮與登
山相望一麓西北至培風峙南有興德縣治自靈
鷺南至隨緣鳥山湧珍錦城之山南有羅州牧治
又自靈鷺北有高敞縣治自磨帖西至水退山有
靈光郡治自高山北西至德林莊山西爲法聖之
浦自德林北迤至茂長縣治 栗峴一麓北至斗

升山有古阜郡治 墨方山一麓北至道同山西

有扶安縣治

右湖南之咸平務安興德羅州高敞靈光茂長古阜扶安之諸山原此○東至黃龍川南至沙梯川及東津江

○智異山居國之極南極高大白頭靈淑之氣流畜于茲故亦曰頭流南至鷲嶺東爲黃峙至于玉山素谷玉女望晉八音千金之山東南至于無量之山東北至于餘航匡廬斗尺青龍之山東至于九龍旃檀飛音佛母龜旨之峰南對沒雲之臺於三义之北

般若峰智異西峰曰般若一麓西北至宿星山屯

山峙南至大首鳳城山南有求禮縣治 天王峰

智異上峰曰天王在般若之東一麓東至安養雞

鳴三壯山東南至斷俗山東有丹城縣治 鷲嶺

一麓南至梨山茅方山南有河東府治 黃峙一

麓南至車帖理盲鳳鳴銅谷之山南有昆陽郡治

自理盲南至金鰲山露梁之險南對南海之錦山

八音峙一麓西至豆音山南有泗川縣治 無

量山一麓東迤至固城縣治又迤至大峙南有統

營南對彌勒之山東控巨濟之加羅山 餘航山

一麓北迤至城山有咸安郡治一麓南迤至鷲山

有鎮海縣治 青龍山南為昌原府治一麓北迤

至漆原府治 佛母山一麓南至熊山屏山南有

熊川縣治 龜旨峰南至盆山有金海府治

右湖南之求禮嶺南之丹城河東昆陽泗川固城咸安鎮海昌原漆原熊川金海之諸山原此

蟾江東北至咸陽臨川及晉州南江

○漢江之源三一出五臺之于筒江一出金剛之萬

瀑洞淮陽一出俗離之文蔵臺報恩其出于于筒者南流

為金剛淵至珍富之西折而東流左過大水合小水

橫溪源出江陵大關嶺為紬川左過竹川源出長遠則別附

蠱川源出旌善大枝山之神湫為桐江環旌善西右過碧灘源出至近

則不書源 折而南流左過淨巖源出旌善花折峙 地居平安

之川源出平昌 經三仙之巖為錦鄣江經寧越西為

金鳳淵右過清泠浦南流至于太華山左過義豐川

經龍穴赤壁古城之山左過永春之南川源出順興

經臺巖石門右過車衣川至香山之遷左過伐海川

右過伽倻川西南流經隱舟巖漚為島潭右過靈川

左過雲溪羽化之川源出丹陽 至玉筍之峰右過玉

溪源出忠州 折而北流至錦屏之陽右過高橋川經

嚴城遷西南流為惶恐灘右過滄川源出原州 為黃

江左過月川西流至于金灘達江自南來會兩水勢均相入

曰會他乃出于文獻臺者也西流為月落玉江之渡

又西北流為木溪右過嚴政川為荷潭莫喜固有禹

至之難至興元之津蟾江自北來會至白巖左過天

民川至丹巖右過金堂川源出砥平墨方山西流經呂州州

北左過福海川為梨湖右過新恩川為西心灘險甚

故名西心乃惡字之分也為大灘右過新橋川源出楊根龍門山經月溪

之遷至簇尺之島楊根新淵江自北來會乃出于萬瀑

洞者也又西流經麻帖左過昭川經斗尾之遷漢陰

之渡右過王山川又西流為廣津松坡三田之渡左

過炭川良才川經禿島狎鷗亭右過中梁川為漢江

經引慶之陽爲銅雀露梁龍山之渡右過蔓草川爲
麻浦右過倉川經卧牛之陽右過沙川歧灘又西北
流爲楊花孔巖之津右過鶯峰川左過掘浦始近海
水乃濁有鹹氣西北流經深嶽之陽爲鶴塘浦右過
栗里川又西北流至于鰲頭臨津江自北來會曰祖
江播爲鷺尾之浦入于海

以下川
總說

竹峴川源出安東太白山之蒼玉峰北流至兎山
過百複嶺及大朴山之川至餘糧驛過大關嶺素
來洞之川西流至生石村入紬川

小水入于大水
曰入他倣此

清泠浦源出橫城德高山南流經素草水周之

界過九龍山川東流經酒泉古縣爲縣前津南流
過新興川至月隱山會沙川至刀峴過陰谷川南
流入錦障渡沙川源出江陵燕方山牟田峙禿峙
合流于芳林東南流爲龍淵環平昌郡爲南津西
流爲麻池津北環瑯瑟岬南至月隱山入清泠浦
義豐川源出順興馬兒嶺及旌善花折峙合流
至社倉過太白山之業平川西流入錦障渡 高
橋川源出原州雉嶽及白雲山東南流至低飛山
之北爲廣灘過堤川義林池水及釜谷山之沙川
南流至錦屏山西入清風渡 月川源出聞慶雞

立山及忠州月嶽爲新塘津入浦灘 蟾江源出
橫城德高山西流至橫城縣西過南川南流至觀
魚臺過花似川爲月瀨經安昌入仰巖津南川源
出原州雉嶽之陰北流經檜峙至井谷北過甲川
入蟾津花似川源出原州雉嶽之太宗臺西北流
經原州治入蟾津 天民川源出忠州小俗離山
西北流至石院過竹山東川北東至長海院過楸
潭之水又北東入白巖津竹山川源出陽智左贊
峴東南流入天民川 福河川源出陽智定水山
經秋溪古縣爲秋溪過陰竹雪城山川東流經利

川府北流爲沂水入梨湖

新恩川源出砥平不

動山南流經鳳凰臺爲星川入西心灘

昭川源

出陽智定水山及龍仁聖倫山北流爲金嶺川至

慶安驛過廣峴川至退村過新峙川北入斗尾之

東王山川源出抱川窟峙及水源山南流經巢

鶴洞爲地蔵川南爲王宿灘西南流經五陵東

至眞官里過天摩山之乾川南入漢陰炭川源

出龍仁石城山西流環龍仁縣西爲莊莊川過光

教山川折而北流經樂生大旺之里北入三田渡

良才川源出果川冠嶽及清溪山合而東北流

經良才驛入漢江 中梁川源出楊州弘福山之
龍淵南流經綠陽驛樓院站至箭串橋會開川流
入漢江 沙川源出文殊峰南流經蕩春洞洪濟
院環母嶽之西南入漢江 歧灘源出水原光教
山及果川之清溪山爲虎溪合而西流爲軍鋪川
經安陽原爲安陽川環衿川之陽折而北流爲鐵
串浦入漢江之放鶴湖 鶯峰川源出三角山西
流爲中興洞川又南流經 五陵南入孔巖津
栗里川源出楊州弘福山南流經新院爲深川爲
奉日川至交河縣北爲金尺津西入漢江

達川江自文藏臺西流爲福泉折而北爲屏淵經青
山之酒城清州之楸洞左過雙川東流至于青川爲
鋤川右過華陽之川北流爲槐灘左過槐山之南北
川右過延豐之伊火川又北至于忠州栗枝柳等之
界左過閔雲天桃之川經團月之西北與漢江會

華陽川源出聞慶青華山北流會仙遊洞川西流
經煥章庵入青川 槐川源出槐山車衣峴及松

峴窟峙合流于槐山郡東入槐灘 伊火川源出

延豐伊火峴及鳥嶺西經延豐縣北流至丈巖北

東入槐灘 雞立川源出延豐雞立嶺西流經安

保水回之村北西流入達水 閱雲川源出陰城

迦葉山南流環陰城縣治東折而經忠州沙里佛

丁之里入達水 天桃川源出忠州車儀元通迦

葉之山東流經崇善利安入達水

新淵江自萬瀑洞西南流爲鳴淵至新院右過長北

川源出淮陽末暉嶺南至長楊右過沙川源出淮陽炭嶺西流爲合串

江北會新津南流至松原右過金城之南川爲錢浦

爲馬灘爲暮日之江左過頭陀川又爲大利津右過

龍頭川源出狼川大成山及金化佛頂山東南流爲茅津右過史吞

川源出永平白雲山之實雲洞南漚爲白鷺洲昭陽江自東來會

為新淵津至席坡嶺右過大同川

源出春川峴及武陵峽

西南

流至于超然之遷右過巨林川

源出永平道成嶺及白雲山

為按

板灘南流至加注山洪川江自東來會西折而北流

經烏揖山左過迷原川

源出楊根高遶山

至所也山右過朝

宗窟雲之川

源出楊州黔丹山

南流為龍津會于漢江

新津源出淮陽末暉嶺北流為和川至獐尾山折

而西流過鐵嶺之銀溪川南流為西津至翠屏臺

過淮陽分水嶺之嵐谷川南流為連松浦菩提灘

過方山之四同川為多慶津過斷髮嶺及末暉嶺

之通溝川入合串江 金城南川源出金城法水

峙南流至直峙北過餘巴直木茱洞之川經金城
爲南大川經水串山入錢浦 頭陀川源出楊口
沙台洞山西流經戎遷過兜率南川入暮日渡兜
率川源出楊口鳩峙及淮陽界合而南流環楊口
縣又西北流入頭陀川 昭陽江源出江陵五臺
山之陰西流經麒麟古縣爲麒麟川折而北流經
耳屯古縣過楸洞川至合江亭北會瑞和川爲加
奴津經彌勒遷西流至鳳凰臺過金寶洞川爲蛛
湫折而北流至楊口水山爲南江西流經富昌之
驛幾落之遷爲昭陽江北入白鷺洲瑞和川源出

麟蹄檜田嶺南流至廣基村過炭谷川伊希川經
臨川驛爲瑞和川過亥安川經九尾村南爲磊灘
至元通驛爲元通川過雪嶽之曲百潭寒溪川經
反昌遷至合江亭南會于昭陽江 洪川江源出
江陵栢峙及洪川大小松峙西北流至北倉過建
峙加里山之川及楓川西南流過三馬峙川至婦
峴北過九折坂之鳴巖川過陽德川至八峰之陰
過君子谷川西爲冠前江北會于新淵江 朝京
川源出加平懸燈山東南流過甘川經色峙紆回
十折爲清平川南入新淵江

右五臺雪嶽金剛以西鐵嶺分水雙嶺雲嶽佛
谷日籠以南大關百福太白以西烏竹俗離以
北皮盤上黨七賢白雲光教修理
安南又殊以東京都諸水入此

臨津江源出文川之蘆嶺南流至永豐古縣右過灰
峴川西南流經伊川防墻峙至于板橋之南爲德津
經蛇島東與榆津會西流經伊川之西左過王谷川
源出伊川又西南流至安峽爲祭堂淵左過靜山川
分枝嶺爲猪仇灘至兎山爲北浦東南流至朔寧爲羽化津
左過馬龍淵至漣川爲橫江爲澄波渡東會大灘爲
鐘潭西流由袈裟坪爲淵津爲神直津爲戍灘右過
沙彌川經高浪赤壁爲如意津爲長浦左過牛溪經

花石之勝爲臨津之渡南流爲亭子之津左過廣灘
西爲洛河過沙川南流至鰲頭與漢江會于祖江

榆津川源出平康雪吞嶺西流至戲靈之陰過安

邊朴達峙之古味川西爲青龍潭三蛇島入臨津

江之古城渡靜山灘源出平康分水嶺西流爲

城洞水經朱土郎遷爲赤巖川爲靜山灘經高巖

連景萬景山之陰入祭堂淵馬龍淵源出平康

霜峴南流過平康新城山之浦川爲孫聽灘入羽

化津大灘江源出淮陽雙嶺之松官里南流爲

末訖川爲塘灘過帳巖山之廣灘川及紫煙潭水

經赤賓院爲高郎之勝南爲亭淵過金化川爲砌
川過平康猪洞之涼川及鐵原三釜淵之川南爲
磨訖川過永積淵之水爲磨訖川過白湖川至青
松里過楊州佛谷山之樵村川西爲大灘入鐘潭
金化南川源出金化佛頂山西流爲草尺川至駐
蹕峰過忠峴之芳洞川經縣南過自登峴之文殊
川入大灘江白湖川源出楊州碧石峴北流爲高
橋川過水源山及天寶山之川爲漢川至萬世橋
過雲嶽之六松川北流爲白鷺洲過白雲山之川
西流經永平縣爲金水之勝經玉屏之陰入大灘

江 沙彌川源出兔山秀龍山東南流至長湍大
韋過臨江川南入戍灘 廣灘源出楊州蟹峴西
流經坡州北爲玉石水山之浦北入亭子津 沙
川源出松都聖居山南流至橐駝橋過松都川至
板門過板積川南入洛河

右老峙朴達雪吞分水以南雙嶺餘巴佛頂大
成以西開蓮華蓋秀龍華藏聖居以東雲嶽佛
谷弘福高嶺以北
諸山之水入此

○禮成江源出遂安之彥真山南流至谷山之東爲
黑石灘右過龍潭爲春灘右過造山之川爲沙八之
灘左過烏巢川西南流至新溪西左過南川又南流

爲栗灘左過迎新浦

源出新溪華蓋山及薪坡峴

爲歧灘右過蔥

秀川經桃花之谷將軍之巖爲箭灘左過源中川爲猪灘左過語早川爲馬灘右過賜梅川爲助邑浦左過青石洞川經江陰古縣東南流爲錢浦右過星川爲金谷浦西南流至彌羅山之東南爲禮城江左過東方浦爲碧瀾渡入于海

烏巢川源出伊川開蓮山西流經西村西南流入

沙八川

蔥秀川源出平山滅惡山東流經安城

撥折而南流經蔥秀山至寶山過赭斤川東北流入歧灘源中川源出金川首龍山北流爲蛤灘

經龍巖過帝釋山之武陵洞川爲飛羅川西入歧
灘 賜梅川源出平山滅惡山之陽東南流至細
谷過白川黃儀山之禿川東流經吹笛山入猪難
語早川源出松都天摩山西流爲姑煙潭朴淵
瀑經島巖西北流環金川郡西入助邑浦 星川
源出白川金山金沙洞爲虎溪東流至白川郡東
爲甘勿羅浦過高麗黃儀龍縛諸山之川東爲大
橋浦過樓橋川爲蛇川東入錢浦 東方浦源出
松都松嶽山北月老洞至余卞里過大井川西流
入禮成江

右開蓮彥眞天子以南秀龍聖居天摩以
西慈秀滅惡雲達以東諸山之水入此

附海西沿海諸川○水回川源出松禾修証山東

南流經草里西南經嘉禾古縣過松禾前川環道
洞之石壁至樂山過達摩山之魚川爲三川西北
折而環長淵府南西爲蟹灘過龍井之北水爲昇
仙阿郎之浦經金沙之汀入于海 苔灘源出海
州水踰峴西流爲竹川過黔丹川至白雲過青山
川經西別倉過守多山之代陳川西流經浦頭之
院代鎮之口入于海 三灘源出平山及佛山東
南流至濯纓臺過砧峴之地境川西南至青丹過

公須院川經下平倉入于海

○大津之源三一出陽智之曲頓峴一出青陽之白
月山一出公州之車嶺其出于曲頓者西南流爲禪
院川至陽城縣東左過安城川西至于素沙之野左
過牙州川又西流爲多羅窩飛津右過亢串川經平
澤縣北爲鴟池浦至望海山爲慶陽津左過濁川經
魯山西南爲貢津浦入行擔島之北頓津自南來會
乃出于白月者也至新平古縣北爲大津經汚川唐
津之北過葉元浦西入于海

安城川源出白雲山西流至郡東過吾信川入禪

院川 牙州川源出稷山慰禮山城北流環稷山
縣北又西流入素沙川 亢串浦川源出水原光
教山南流爲柳川經水原府南至烏山過駒興川
至升良院過長好川南爲亢串津過陽城白雲山
之柯川入多羅窩津駒興川源出龍仁寶蓋山西
南流爲葛川經石隅店爲兔峴川至烏山入于亢
串浦長好川源出龍仁聖倫山西流至陽城金洞
過處仁川經振威縣至升良院入于亢串浦 柴
元浦源出海美伽倻山北流爲大母川經餘美古
縣過利背蒙山之川北流經外孟之界入大津浦

口

頓串津自日月山之北北東流經黎陽古縣左過步
水川爲淙川東北流至大興郡東右過達川又北流
爲京結川爲無限川至王子山之北爲青池浦左過
金馬川爲三歧頓串犯斤之浦至八堂坪彌勒川自
東南來會乃出于車嶺者也北流經新平古縣左過
昇仙川北入于行擔島之東南與貢津會

達川源出大興飛鳳山北流至申陽院過禮山臘
雲峙之擊壤川西入京結川 金馬川源出洪州
烏棲山北流爲番川至洪州之東過月山川西北

流爲金馬川經八峰之東北爲挿橋過狐川爲宣
化川至天安新宗之界過合德陂之水爲井浦入
三歧津 昇仙川源出沔川倉宅山東南流會郡
前川東入頓津

彌勒川自車嶺之北東北流經德坪鄉右過良安川
西北流至豐歲古縣左過太華川

源出天安太華山

又西流

爲布川烽川左過歧川爲車輪灘又西流爲曲橋川
左過御來峴川溫井川爲丹浦至八堂之西與頓串
津會

歧川源出溫陽角屹峙北流經時興環郡治東北

入于逢川

右光教聖倫以南七賢聖居以西車嶺角屹
獅子白月為樓伽倻以北諸山之水入此

○錦江源出長水之水分峙西流至龍巖左過長水
南川為松灘北流至吞田左過鎮安之南川為伊浦
右過安城之九淵洞川經銘峙左過照林川程子川
又西流為達溪至龍潭縣之東左過朱子川右過顏
子川經富利古縣東折而至茂朱之西為召爾津右
過赤川經漆巖之阻北洄為廣石江至虎溪之阨左
過濟源川為虎灘右過陽南川源出天摩山東流為高唐
江右過永同之東川源出天摩山北松川為深川津西流為

赤登津右過龍川北爲車灘化仁之津西至于沃川

之北左過西華川北流經周岸鄉爲末訖灘右過沙

灘

源出懷仁皮盤及九龍山

西流爲荊角黔丹新灘之津左過甲

川爲德津西北流至龍塘北與東津江會爲羅里津

左過豆磨川爲瓦灘經孝浦至雙樹之陰爲箭灘右

過日新川

源出公州雙嶺

西南流爲熊津右過銅川左過利

仁川爲半灘石灘經皐蘭之陰右過大王之浦

源出扶餘

鳥山

金剛之川東南流爲白馬江經浮山右過銀山之

川九良之浦經塲巖爲古多津至石城縣南左過水

湯川至佛巖爲浪清津右過市浦川經江景至黃山

左過篤子川

源出礪山壺山

西折為菁浦又西流經聖倉右

過林川之南川左過艮橋川為南塘津右過上之浦

為西鎮浦右過吉山川

源出舒川猪峙

為茅浦左過沃溝前

川為龍塘津西至舒川浦入于海

長水南川源出長水長安山及靈鷲山西流經縣

西過水分峴之川北流入松灘

朱子川源出鎮

安珠翠山之陰北流經卧龍巖為朱子川東南流

經龍潭縣為壽城川入龍湫

赤川源出知禮大

德山北流經茂豐古縣為薩川過德裕山之橫川

又過都馬峙川西流經豐西身東至茂朱府南又

西至漆巖入召爾津 濟源川源出錦山月峰山
東流爲麒嘶川過珠翠山之新川經濟原館至翠
屏峽入廣石渡 松川源出尚州九峰山南流經
化寧中牟古縣爲道川至黃澗縣北過長橋川至
楓山古縣爲松川滙爲龍淵爲深川津西入高塘
渡長橋川源出知禮三道峰之龍湫北流會石橋
都摩之水至廣坪西北流至黃澗縣西入松川
龍川源出報恩俗離山之文蔚臺西南流至報恩
縣東過熊峙之川東南流爲龍川至青山縣南爲
南川西南流入赤登津 西華川源出珍山縣萬

仞山北流經西臺山至沃川郡西北入錦江之化
仁津 皮盤川源出懷仁皮盤嶺南流爲縣前川
南入末訖灘 甲川源出錦山松院峙北流爲清
澄淵至珍山東北爲柳川至龍頭村爲省川過大
田川爲艾川至懷德縣西爲船巖川經儒城古縣
入新灘 東津江源出忠州望夷山經社倉南流
至鎮川山井之界過加里川及牛川爲石灘過注
川南爲牛潭西爲潘灘過寶蓮山之台山川過清
安之曾子川西折而南爲梧根津至薪院爲鵲川
過皮盤嶺及赤峴之大橋川爲眞木津過并川西

南流爲浮灘過全義生拙川南爲東津至龍塘入
羅里津加里川源出竹山七賢山東南流經廣惠
院入東津牛川源出鎮川大門嶺東流經縣治入
東津注川源出陰城普賢山西南流經頭陀山爲
草坪川入東津并川源出木川鵲城山西南流至
伏龜亭過山方洞川爲所灘東流經蘇亭薪院入
東津 豆麼川源出雞龍山之潛淵東南流過大
茆山之漢三川經鎮岑縣介水院東北流爲車灘
入羅里津 銅川源出溫陽角屹峙南流經維鳩
新豐古縣折而東入熊津 金剛川源出定山七

甲山西流至木石洞爲於頂川過獅子山川經青
陽縣過西川南流經金井古驛東折爲鵲川過白
月山川爲泗水灘至定山界爲金剛川東入白馬
渡 九郎浦源出鴻山月明山東流爲彌造川過
陽陰山之金川東至塲巖入白馬渡 市津源出
鎮安珠翠山之陰西流爲龍溪過陽良所川經佛
明山由渴馬洞西北流爲居士川爲私津北會草
浦西南流經黃山橋入江景浦草浦源出公州雞
龍山西南流過沙溪經尼山縣爲草浦入市津

右長安聖壽馬耳珠翠以北上黨皮盤黃岳大
德以西望爾車嶺角屹以南諸山之水入此

附湖西沿海川 鐘沉淵川源出鴻山荒山西流
經臨水臺至峩嵴山之陰爲鐘沉淵西至橫川東
南折而至佛恩西折而經藍田至熊川浦西入于
海

○沙湖江源出潭陽之龍泉山南流爲原栗川至潭

陽府東北折而西南流爲竹綠川右過薪川源出潭陽滅寺

左過大橋川源出玉泉山又西南流爲滄江至昌平縣

左過三支川源出光州無等山爲漆川左過巾川源出無等山爲

碧津右過九登川源出長城三聖山由極樂之坪西與黃龍

川會爲極樂江至王子臺砥石江自東來會環羅州

州治爲廣灘折而西至鷓鴣巖爲錦津爲榮江西爲

回浦左過松只川

源出羅州雙溪山

至古墓院右過鵲川爲

沙湖津右過咸平前川

源出母嶽

西南爲曲江梨山夢灘

駐龍之浦左過德津浦經奄山爲木浦西入于海

黃龍川源出長城白巖山及笠巖山過昌平甲鄉

川西南流至青巖南爲鳳德淵西折而環長城府

治又南爲船淵過可川南流爲鳳凰淵經仙巖院

至極樂坪之王子臺入漆川可川源出長城蘆嶺

西南流經古長城至鳳巖過文筆川入黃龍川

砥石江源出綾州呂帖西北流爲車衣川環綾州

州治過道川又過熊峙之猪浦川西北流經南平
縣爲城灘砥江北西至王子臺過魚川入沙湖江
道川源出無等山南流爲冷川過十川爲道川東
流而西折至和順縣東過紙所川爲三川過伐古
川西爲竹清川入砥石江魚川源出南平德龍山
北流經南平西倉入砥石江鵲川源出靈光高
城山南流經靈光社倉由咸平東境至古幕院入
沙湖江德津浦源出靈巖月出山西入駐龍浦
右內莊白巖秋月龍泉以南玉泉無等中條呂
站以西半登鷲嶺佛岬君尼以東華嶺德龍雙
溪月出以北諸
山之水入此

○蟾江源出鎮安之馬耳中臺及全州之熊峙合而

西南流為鎮安西川至任實縣北為烏原川左過葛

川源出任實西流經塞墻之陽雲南之山右過良發

川源出任實南流右過鮎巖九臯之川源出任實為

葛潭又東南流左過鶉川為赤城江又南流右過伊

川源出淳昌武夷為淵灘又西南流經霽巖右過仙

脚川源出玉果玉泉東流至阿尼島左過蓼川為鶉

子江東南流至于鴨綠津洛水自南來會又東為潺

水津為竹淵左過所兒川源出南為九淵至花開洞

右過雙溪之水瀦為龍淵南流為斗赤江入于海

鮎巖川源出井邑內蔽山之東爲泮溪東流經福興古縣爲鮎巖川折而北經回文山東流入葛潭鶉川源出長水聖壽山西南流爲坪堂院川又經鶉隅坪爲鶉川經契樹過沙峙之居寧川爲三溪西南流入花淵蓼川源出長水六十峙之南長安山西南流經水分峴爲潘巖川至南原府東過盤若峰之源川折而西南流經周浦金岸入鶉子渡洛水源出長興南熊峙及中條山會于長澤古縣東流至寶城郡北南折而北爲亭子川過赤壁江經洛水驛爲洛水津東北經石谷院至鴨

綠院爲大荒津會于蟾江赤壁江源出潭陽萬德
山南流經烏餘洞爲耳帖川過裴存川南洄爲勿
染滄浪稼淵之水過靈神川經赤壁之勝至萬景
之臺過檢川南爲龍眼星巖之淵會于洛水 雙

溪源出智異山之香積峰南流經花開洞入龍淵

右聖壽馬耳掃峙毋嶽以南內藏金城雪山無
等以東億佛舟越兜率自雲以北長安女院走
峙智異以西諸
山之水入此

附 湖南沿海諸川 泗水江源出龍潭珠翠山西

流至高山東過佛明山川及雲梯山川西南流爲
鴈川良正浦至參禮驛前過楸川爲橫灘過參禮

東川由回浦之界過益山龍花山之春浦至樂巖
過黃登洞川至利城倉過利城川經東倉至新倉
院爲新倉津過臨陂前川經立石進鳳吉串之北
經羣山浦入于海楸川源出全州礪峴西北流經
萬馬洞至全州府東南西折而北至可連山過溱
川爲楸川過大也川北至參禮驛會于鴈川東
津江源出井邑內藏山西流爲鵑川經井邑縣過
內藏笠巖山之木梯川西北流爲茅川至梨坪會
大角川至白山會古阜栗峙之訥堤川至金堤食
浦會太極浦川爲東津經扶安東界西北入于海

大角川源出泰仁象頭山爲犬川過屈峙合而西
北流過泰仁南川由梨坪會于茅川太極浦川源
出泰仁母嶽象頭之諸山西流經碧骨堤爲狐浦
西南入食浦 沙津浦源出高敞半登山爲道川
川過黍橋川竹川仁川爲蟹川西流環道遙水光
之山過格浦會禪雲浦入于海禪雲浦源出高敞
半登山及茂長鷺嶺山西北流爲道山川經高敞
縣東北折而西流過鷺靈山之竹川及黍橋川過
仁川爲長淵川過茂長前川北流經禪雲山爲禪
雲浦三水光山會于沙津 汭陽江源出羅州雙

溪山東南流環長興府而西爲汭陽江至舍人巖
過鵲川西流至康津縣南爲九十浦過舟橋川南
爲耽津入于海鵲川源出靈巖月出山之陽東流
經松溪古縣至道康古縣南過火峙川至長興西
爲錦川南入汭陽江

○洛東江源出安東太白山之黃池穿山而流故名
穿川南流左過小川部曲之水爲買吐川右過道美
源出安東才山之川源出禮安清涼山及日月山西經清涼山之丹
砂峽右過退溪經天淵臺爲濯纓潭爲洛水經龔巖
爲汾江左過東溪爲風月潭西流經禮安縣爲浮津

右過綠轉山川西南流經鼻巖爲蓼村灘至安東府
東爲勿野灘左過神漢川西折而爲犬項津至儉巖
山左過禿川至花山右過花川爲河回之勝西爲大
谷船倉修正鵲灘之津環龍飛山爲無訖灘會沙川
犬灘川爲三灘折而南流爲河豐松羅津經自天之
臺爲飛鸞之津右過伊川長川爲竹巖津左過渭水
爲洛東津東南流經鸕鷀巖爲鯉淵餘次寶灘月波
之津右過甘川爲松鶴飛山之津左過丈川蔚洲川
源出善山
金鳥山經砥柱碑南流爲漆津東安所也之江右
過伊川經河濱古縣爲杏灘沙門之津琴湖江自東

來會右過龜川源出玄風經臺巖爲開山之江甘勿

沓谷之津右過伽倻川爲牛山玄倉之津西與黃菴

江會爲仰津右過世千川源出宜寧爲朴津歧江與

晉江會折而東流爲松津茂浦過桂城山川源出昌寧

山爲靈浦津右過漆原西川來進之川爲海陽三浪

五友之津左過凝川右過新橋川源出昌寧經鵲遷左

過內浦川折而南流爲伽倻東院之津左過狐浦源出

梁山樓山驚爲月堂津播爲三义河經七點山南入于海

小川源出英陽劔磨山西流經首比倉西入穿川

神漢川源出英陽日月山南流爲將軍川至英

陽縣南過小泣嶺川青杞川南過大泣嶺川西流
經真實縣臨河古縣過青松南川又過琴召川爲
廣淵合魚淵瓦釜灘入勿野灘青松南川源出青
松於火峴及洞府柳峴北流經龍纏懸碑巖至青
松府南西北流爲巴川至楸原入神漢川琴召川
源出青松普賢山北流經安德古縣至琴召驛入
神漢川 禿川源出義城黃山爲黃川北流經一
直古縣至儉巖山入犬項津 花川源出安東下
柯山南流爲雙溪經花山入曲江 沙川源出安
東白屏山西南流經青巖梧麓過順興馬兒嶺之

愚溪西南流爲赤德川過奉化文殊山之勿野溪
南流經奈城古縣南爲小川過奉化前川至幽洞
驛過臨川至醴泉郡南過釀川經龍宮環龍飛山
過省火川入無訖灘臨川源出順興小白山東南
流爲竹溪經順興府東至東園過東川爲蔽巖川
經昌保驛過豐基南北川經東西龜臺南流入沙
川瀼川源出豐基鳴鳳山東流經殷豐古縣過殷
豐東川東南流經鼎盖山過琉璃洞川至醴泉郡
南過柳等川入沙川省火川源出醴泉鵲城山南
流會四佛雲達之川經尚州山陽古縣爲山陽川

至龍宮縣西爲省火川入沙川 犬灘川源出聞

慶鳥嶺之龍湫南流經草谷至聞慶縣南過聊城
川爲所聊川過潮泉水由姑母姑父之城至兔遷
爲龍淵過俗離山之加恩川東南流爲回淵經虎
溪古縣爲寅川串川南流至鳳凰臺過猪谷川又
過潁川入無訖灘猪谷川源出俗離山之文蔵臺
東流經白華山過黃嶺川至咸昌縣西爲利安川
東入犬灘川 伊水源出尙州熊耳山及高山熊
峴之東北流經功城青利古縣爲巢湖川至尙州
東過北川入飛鸞津 長川源出善山淵嶽山東

北流經外東入飛鸞津 渭水源出義興華山之
九龍潭西流至巢鶴臺過巢野川西北流經義興
縣過牛谷川折而西爲并川過缶溪川經韓敵山
爲船橋川環軍威縣紆迴數十折經花谷倉至肝
岵山經比安縣南過雙溪折而北至安溪驛經丹
密古縣爲渭水入竹巖津缶溪川源出漆谷公山
西北流經缶溪古縣至召溪驛南過智士縣之孝
令川入渭水雙溪川源出義城冰山西流爲鳳凰
川西北流經佳音鳳臺之倉爲下川過長川爲禿
川過平安川至雙溪驛西入渭水長川源出義城

茅峴之石穴西北流爲鬱金潭經義城縣西又北
流西折環九城山西入雙溪川平安川源出義城
豆易峴南流平安倉南入雙溪川甘川源出知
禮大德山及洞州牛頭峙合而北流經知禮縣東
又北至金泉驛經尺山過直旨川牙川折而東流
經開寧縣南過新堂浦至善山之玉山東入寶泉
灘丈川源出仁同巢鶴山北流經天生山城至
仁同府北西入飛山津伊川源出星州斐旨山
東流環星州過達田之馬鋪川祖谷山川入所也
江伽倻川源出陝川伽倻山及星州修道山合

而東北流經雙溪寺前又東流至禿用之北折而
東南流過小伽川南流由香赤林至高靈縣南沙
惠坪西會龍潭川東南流入閔山渡龍潭川源出
伽倻山之南東南流爲落花潭由紅流洞經冶爐
古縣過牛頭嶺川至安林驛東入伽倻川 凝川
源出玄風琵琶山東南流爲紫川過豐角川環清
道郡至烏惠山南過清道雲門川又南流爲榆川
月盈淵過載岳山川經密陽府前由栗林南爲無
訖川入海陽渡雲門川源出清道雲門山西流爲
若耶溪過孔巖川經落花巖合巖至烏惠山東入

疑川

琴湖江源出青松之普賢山南流為水川為慈乙阿

川至屏巖右過新寧西川源出新寧花山經永川郡至竹防

山之陽左過南川凡魚川源出永川四龍山右過匙川源出漆谷

山左過靈芝山之川經河陽縣西為黃栗川至盤雞

左過烏沐川慶山之南川源出慶山馬鞍山西流至大丘府

北為泗水箭灘左過新川源出清道八助嶺玄風琵琶山解顏川源出

山西流為琴湖津經河濱古縣右過八莒川源出漆谷加土

山所也西與洛東江會于沙門津

永川南川源出興海六峴西流經竹長界過立巖

川西南流至郡東過清景山川經郡南入琴湖江
立巖川源出普賢山南流經聖穴入南川烏沐
川源出慈仁簞山西南流爲觀瀾水會金鶴松林
回谷山之川西北流會到天三聖之川入黃栗川
黃茈江源出茂朱德裕山之佛影峰南流爲龜淵爲
渭川至愁送臺右過葛川南爲鶴潭東至居昌府南
爲潞川左過阿月川東至勸賓驛爲父子淵左過加
祚川源出居昌修道山南流爲砧淵黃溪之勝經嶽堅之山
東北流爲屯德淵至陝川郡南右過澄心川源出陝川馬峴
爲南江東流經犬遷爲黃茈津右過八鎮川至玄倉

與洛東江會

阿月川源出居昌三峰山東流經高梯倉過都麼山川及牛峙川南流至居昌府入潛川

晉江源出茂朱德裕山之鳳凰峰南流爲楸川龍游潭月淵東至安義縣北左過尋真洞川西南流爲濫溪經沙斤古城右過湍溪南至卧龍巖右過瀨川爲牛灘鏡湖東流環山清縣爲長善灘東南至丹城經赤壁爲新安津左過梁川南流爲召南津至新豐西會薩川爲菁川江折而東流經晉州蠹石之南爲南江右過永善川

源出固城大范山

東北流爲雲堂黃柳之津

左過禿川

源出晉州集賢山

至代如右過班城

源出咸安縣餘航山

井之川

源出宜寧閭堀山

爲尺堂津爲楓灘右過長安川

源出

餘航山

至龍華山之北與洛東江會于歧江

尋真洞川源出安義月峰山南流至旗泊山屑玉

巖爲龍湫由尋真洞折而南入濫溪 濬溪源出

咸陽白雲山東流經咸陽北倉爲渭水經咸陽府

南過西溪經水東入濫溪 瀕川源出南原智異

般若峰猪淵北流爲萬水洞川由黃嶺洞至實相

寺前爲釜淵過赤山之廣川東南流經馬川所及

任倉東爲龍游潭爲嚴川入牛灘 梁川源出三

嘉花旨峴南爲深川經三嘉縣東爲水晶川西南
流經集賢山之陰過黃梅山之丹溪川西入新安
津 薩川源出智異天王峰東流過矢川由白雲
洞爲德川過栗峙之三狀洞川至雲谷過青巖川
東南流爲金城江又西北流入菁川渡

右大小白鳥竹嶺以南俗離黃嶺大德德裕長
安智異以東高草白巖九龍鷲棲圓寂以西諸
山之水
入此

附

嶺南沿海諸川○太和江源出慶州斷石山南
流至所山折而東南流爲盤龜川至立石過彥陽
南川爲堀火川至蔚山南爲太和江注津至島山

過鷄述嶺之語連川洄爲渚內浦入于海 兄江
源出慶州吐含山西流爲史等川至半月城爲蛟
川環慶州而北過咽薄山之川爲堀淵過關川東
北流爲溫淵過玉山川經兄山爲兄江注津經德
島浦項倉爲八助浦入于海

○大同江源出寧遠內樂林之白山南流至樂倉右
過箕隱洞川右過小龍川西南流至黑倉左過劔山
川右過池莫山之川爲黑淵江經新倉西北流爲仇
非津左過寧城川源出寧遠馬踰嶺至古倉右過廣城川源出
寧遠廣城嶺折而南流經長遷至寧遠郡西爲仇淵又西

南流至金城山北流左過瘠灘右過長林川源出德川劍山

西流爲凝江經德川郡南至大德山右過矢梁川南

流爲三月江左過古城川洄爲龍島折而西流爲狸

岫淵經無盡臺南流爲靜戎江經順川郡東爲斜灘

城巖之津左過錦溪爲歧灘右過金川南流爲禹家

淵右過清水川東流爲叉波河東與沸流江會南流

經區地爲錢浦右過蛇川源出慈山熊草德山神識川經閱波

亭至古江之東城爲西江左過水晶川源出成川九龍山西

折而爲馬灘東與能成江會爲王城灘西南流至龍

塘右過長水川經衣巖酒巖右過合掌浦源出慈山熊草德山

經綾羅島朝天石爲銀灘至平壤之南爲大同江至
狸巖羊角之島爲九津弱水左過鷺浦川經豆老豆
丹之島左過發蘆川經鳳凰萬景之臺右過狄橋川
至保山右過鶴川源出舞鶴山觀仙川東南流爲官津梨
津左過黑橋川由急水門左過於草川南與月唐江
會爲絕瀼海右過自東川源出安岳日出山爲大津左過清
川源出安岳隱寂山右過三和南川源出三和烏石山至廣梁西入
于海

瘦灘江源出孟山安都里之山西流經德林爲孟
山北川又西南至北倉過巨雙嶺之東川朴達山

之南川北流經獨將嶺入三灘 矢梁川源出价

川謁日嶺東流經平地院至大德山下過頓山窟

川入三月渡 古城川源出順川彌勤嶺之北石

穴爲月浦川北流爲龍巖川過天將玉井琴勿之

川北入三月渡錦溪源出順川江西山之石窟南

流經新倉爲長善浦西流經殷山縣西入城巖津

金川源出安州悟道山東南流爲九曲水經金

谷院入歧灘 沸流江源出陽德吳江山南流環

兔城鎮西折而至新倉過孟山孔巖山之觀音川

南折而至降仙臺過琵琶山川至麻訖山之陰過

草川爲犬灘西流經石倉過順川遠陰山之廣川
西南流至成川府北環巫山北折而西入义波草
川源出陽德三方嶺南流經溫井院西折而經陽
德古邑又西北流入沸流江 鷺浦川源出中和
靈鷲山西北流經栽松院爲永濟浦西入九津渡
發廬川源出慈山慈母山西流爲門巖川至禿
巖山過順安法弘山之巖赤川至王山過靈溪川
東南流經順安縣西折而東流過星州峴之紫始
川南流至禿隅爲長鼓川過鷺巖川經平壤府西
爲西江普通浦入九津渡 狄橋川源出江西舞

鶴山北流至班石里過抄道洞川東南流經沙伊
峴至龍嶽山下爲廣濟浦至萬景臺入九津渡

鶴川源出咸從檢巖山及牙善山東流經華表山
爲勿古青山之浦過雲川東入保山渡 觀仙川

源出中和於郎山北流環中和府西由萬里橋又
西流爲昆陽津入朔氏津 於草川源出遂安天

子山南流至栗界西折而至細坪過瑞興新塘之
善積川西爲鯉魚淵過中和看東川爲簇錦溪經
黃州入急水門

能成江源出豆流山南流至陽德縣南左過牛嶺川

至縣西右過亏羅山川西南流至松山右過馬背川

源出陽德琵琶山

經伊令買乙之界爲鳴灘右過大谷川爲

烏淵末訖灘至文城鎮左過堂底灘西北流經江鎮

山西南流經架山至三登縣南經赤壁爲鸚鵡洲右

過阿次川

源出成川九龍山

防垣川爲建達江西北流爲於

打灘左過文浦川西與大同江會于馬灘

大谷川源出成川三道看嶺西南流由承阿洞東

南至仙內村北東流經大谷倉南入鳴灘 堂底

灘源出谷山牛嶺西南流至梧桐島折而北流經

谷山府東北入末訖灘 防垣川源出遂安蔓嶺

北流經文山鎮防垣之阨由道洞爲大浦入能成
江 文浦川源出祥原並雲山西北流經紅巖至
黑隅過天谷川至祥原郡東爲龍頭浦北流經鷹
巖何許亭入於打難

月唐江源出瑞興熊坡山之釜淵南流至高項山西
折而北至屏巖左過龍川栗里川經瑞興縣西流經
德巖右過興水院川西北流至仇山右過劔水川鳳
山之前川銀波川環唐城古縣爲唐城浦至西倉播
爲吾里浦爲栗津南與箭防川爲三支之江艾津之
浦右過迎津爲鐵和江北與大同江會于急水門

銀波川源出平山滅惡山西北流至剡橋爲銀波
川入唐城浦 箭防川源出海州首陽山之造化
洞爲黑微川至立石爲立石灘過樹密洞川東流
經鐵峴爲箭防川過狐川折而北環長壽山城爲
蛤灘過平山琵琶川爲歧灘過信川清水川北流
爲唐灘入三支江 迎津源出海州達摩山北流
爲燒橋川至信川郡南爲樓橋川過婦貞川北流
至三橋坪爲牛浦過馬鳴川及漢川北入艾津浦
馬鳴川源出文化九月山東南流經溫井院東至
葛山過文化南川爲鏡池川北橋爲馬鳴川入迎

津

右劒山馬踰鐵甕吳江花餘載靈以西樂林廣
城柱川謁日姑射以南德業彥真滅惡首陽達
摩以北九月以東
諸山之水入此

○清川江源出江界之甲峴西流至柔遠鎮右過竹

田川

源出江界竹田嶺

左過池莫川

源出寧遠池莫山

西流至鳳丹

城北左過狄踰川為龍釜淵經立石左過廣城嶺川

又西南流為東江左過柱川至熙川郡南右過西川

源出寧邊白山及狗峴

至獐項右過宋串浦至月林山為月林

江南為魚川右過閑平川又過妙香之南川經杏亭

東萊之院南為獐項之津花遷之江左過釜淵川至

無骨島右過孔浦爲灑水經安州城北至七佛島播

爲二水合而西南流右過新川

源出安州馬頭山

文川

源出安州

嶠道

至古城之鎮爲古城江至海望之隅爲老江大

寧江自北來會入于海

狄踰川源出江界狄踰嶺南流經柴院西過白山

川至鳳丹城入龍釜淵

柱川源出熙川柱川嶺

西流至眞倉過妙香之北川西北入東江 熙川

西川源出江界狗峴南流至巖回遷過踰都幕之

川南入東江

宋串浦源出理山棘城嶺東南流

經西倉及楸峴爲宋串浦東入月林渡

開平川

源出寧邊開平洞南流經魚川館南入魚川渡

釜淵川源出价川謁日嶺西流由直洞過白雲山
川月峰川經价川郡南過姑射山川至乾只山過
深靜山川爲釜淵入花遷江 孔浦水源出雲山

柳洞嶺南流會委曲川過東林雲臺山溫井川至
砥峴過城洞川經馬郡臺三峴爲雲山東川西折
而東過蹄嶺之藥川東流爲沙灘過寧邊仇頭嶺
之沙川經柞峴玉女山環寧邊府西爲九龍川洄
爲塔淵之決勝津南流爲仇音之浦至無骨之島
入清川江城洞川源出雲山地境峴東流經白碧

山爲平安川由城洞至砥峴入孔浦水

大寧江源出義州之天磨山東流爲白呂子川左過
大朔州北與五峰龍頭大小防墻界畔幕嶺之水會
南與青龍劔隱之水會爲兄弟川右過牲洞川東南
流爲院灘北與昌城江會至泰川之北左過松林川
源出泰川松林山牛蹄嶺南流由烏知遷至挾水臺龜城江自西
來會爲滄浪之水經斗尾爲鎮江右過塔峴川源出泰川
林川左過撫州川源出寧邊五峰山經沙土里峴爲博川江
右過加之川左過長坪川九龍川至老江之海望隅
東與清川江會于老江



昌城江源出碧潼九堦嶺南流經新倉過後項嶺
 川甫里嶺之溫井川洄為龍淵南由植松坪經昌
 城古邑至九峰山之南會于院灘 龜城江源出
 龜城八營嶺南流過清涼青龍之川龍藏窟巖之
 川南為皇華川經龜城府東而南過天劍山之丘
 林川折而東流經泰川縣為南江過玉浦甫同之
 川東北流至狹水臺入串津

右甲峴狄躡狗峴牛時九階防墻以南天磨青
 龍吉祥以東樂林廣城柱川以西香山謂日姑
 村馬頭到雲以北
 諸山之川入此

○龍興江源出永興之鐵甕山東流為橫川又東南

流右過雲谷川左過耀德川東流爲鐵水左過沸流
川經永興府北爲濟仁浦經黑石里爲龍興江經王
生島至長坪社爲漕津浦左過德灘箭灘南至末應
島入于海

沸流川源出永興平胡嶺南流爲弼仁浦經劔山
過九尾川至真靜寺東入橫川 德灘源出高原
載靈山東北流經隘水倉過九龍淵川經景倉由
水洞社過土嶺川經高宗塔石山倉東南流爲長
洲浦至高原郡北爲神堂淵過沙朴川東流爲文
州浦入漕津 箭灘源出陽德豆流山東北流爲

配歧川至德平過松魚淵川東流至薪山社過仇
寧浦經鰲山東入漕津

右馬喻嶺及鐵食吳江花餘
載靈以東諸山之水入此

附

關北沿海諸川 城川江源出寧遠郡及咸興

西北界樂林山東南流經中嶺堡至草方嶺過劔
山川東爲黑林川至獨山爲歧川東會元川南流
由哈蘭洞至咸興府西播爲二江一東南流經萬
歲橋至 本宮西過好連川至擊毬亭過迷塵浦
爲石潭入于海一西流大野中會中川爲廣浦入
海元川源出咸興太白山西南流爲元川經上下

倉至一遇巖過三釜瀑川由元平社過白嶽川東
入城川江 端川南川源出圓山吉州之採金洞
西流至雙青東折而經瑟峴南過加德川西折而
經甌山及魚背洞川又東折而至古城之倉姑蘇
之烽經府治而南西過福大川至烏渴巖南入于
海福大川源出端川迦退山東流經雙龍坪入于
南大川 浮瑞川源出圓山東南流經陽春基至
西北鎮過高峰川綠磻川至吉州府西爲南大川
經白初社過斜下川南流入海高峰川源出長白
山南流入浮瑞川斜下川源出中山東入浮瑞川

○鴨綠江源出白頭山之大澤伏流南出爲惠山江

右過臨連自可飛劒吳氏之川經惠山鎮左會盧川

江折而西北流至仁遮堡左過三水川經羅暖小農

新舊茄坡之堡左會長津江經兔遷四松之坪左過

厚州江羅信之川涼出江界懷德嶺至茂昌古縣左過葡萄

川右過塞外之十二道溝在彼地經閭延古縣西折而

南流左過中江湖芮之川經虞芮古縣左會慈城江

又西南流經滿浦伐登高山之鎮禿魯江自東來會

經吾老及炭嶺左過渭水由直洞茄軒左過理山之

南川至山羊會會塞外之佟家江

一云婆猪江一云蒲州工通志云佟

家江即古益灘源出長白山之分水嶺南流與至阿鴨綠江會行五百餘里繞鳳凰城東南入海

耳之鎮左會童巾江經廣坪大小坡兒左過碧潼川

經楸仇碧圍左過中奄川經大小吉號至昌州之鎮

左過自潺川源出昌城經於汀廟洞雲頭之鎮昌城

之府左過甲巖川源出昌城經鵠巖左過三歧川經

仇寧左過清水川經清城方山玉江之堡左過玉江

川源出義州天磨山經水口之鎮至義州府北於赤島東分

三派一南流爲九龍淵此卽鴨綠江以水色似鴨綠

故名之一西流爲西江一從中流名小西江至黔同

島復合爲一至清水梁又分二派一西流與狄江合

狄江在鴨綠江西北

一南流爲大江繞威化島至暗林串西流

至彌勤堂古津江自東來會同爲大摠江入于西海

虛川江源出北青厚致嶺之觀音窟北流經泥穀

社爲黃水坡川至鷹嶺過北青太白山之熊耳川

經甲山府西過鎮東同仁之川經虛麟至雲龍鎮

過前川入惠山江 三水前川源出三水白塔山

北流爲沙川經三水府東至仁遮堡入鴨江 長

津江源出咸興白亦黃草之嶺北流由長津柵至

別害過吾曼川經廟坡神方至江口之堡過赴戰

嶺之川經魚面自作至茄坡北入鴨江赴戰嶺川

嶺之川經魚面自作至茄坡北入鴨江赴戰嶺川

源出咸興赴戰嶺北流經枇木里及上下鋤里至江口入長津江 厚州江源出江界蔥田嶺北流由板幕洞廢四郡之東界入鴨江 慈城江源出江界茂城嶺西北流由真木土城之洞過五湖山川慈城古縣川至慈城古縣西入鴨江 禿魯江源出咸興雪寒嶺西流至平南鎮爲杜茂川過蔥田南川至立石過神光川北流經城干至吾毛院過別害川至江界府南過麼麼海川至石隅過從浦川西北流至時川館過外怪川爲兩江津北入鴨江神光川源出江界狄踰嶺北流至神光鎮過

狗峴川至立石入禿魯江麼麼海川源出江界火
通嶺西流經麼麼堡至公貴村入禿魯江外怪川
源出江界麻田嶺西流經上土外怪之鎮至時川
館入禿魯江 渭水源出江界杜邑嶺西流經渭
原之社倉北倉至渭面過鷹歧川西北經渭倉及
渭原郡入鴨江理山南川源出府東薪嶺西流至
理山府央土之口入渭水 童巾江源出理山踰
都幕嶺西流由熙安洞過棘城洞川爲龍淵經車
嶺鎮前過牛峴川至牛下倉過牛場川北至靈加
德過板幕川至別倉過別害川至江倉過榆倉川

西北流經阿耳鎮入鴨江板幕川源出理山勿移
山爲雲臺川西流至古理山過栢坡川至靈加德
入童巾江 碧潼川源出郡南甫里嶺北流經林
倉隘口及鶴倉北至大德山過九階嶺之南川經
碧潼郡西入鴨江 古津江源出天磨之陽南流
爲喜驛川經安州倉東過蘆洞川折而西流由植
松塞墻之阨爲臨川至寧朔過月化川爲冬乙郎
江過良策川又西至楊下鎮入大揔江蘆洞川源
出龜城蘆洞嶺西流至安義鎮過龍瀑川西入古
津江良策川源出鐵山望日山西流經良策爲蓮

糧浦入古津江

右白頭以南圓山以西厚致黃草薛罕狄隴牛峴至于防牆天磨蘆洞望日以北諸山之水入此于

○豆滿江源出白頭山之陽甲山天坪東流為魚潤

江右過寶多會川經長坂石橋右過西北川源出吉州圓山

之加伊峯經臨江臺古城右過博下川源出鏡城長白山經茂山

之西右過城川源出長白山經梁永豐山雲頭之堡右過

甫乙下川至會寧之北右過幹木河俗稱城川八下川折

而北流經高嶺之鎮防垣之堡鏡城之府潼關之鎮

為壓江灘左過土門江今屬彼地東流經穩城府北左過

葛哈里河

地彼

又折而東流爲龜巖柳田漁汀之難經

美錢堡左過三漢川

地彼

又折而南流至黃柘坡爲立

石灘經訓戎之鎮至古耳之島慶源之府東至安原

堡左過後春江

地彼

經龍堂古城至乾原堡右過五龍

農耕之川環撫夷之鎮左過八池水

地彼

至慶興府東

經赤池爲愁濱江又東流經造山至鹿屯島入于海

幹木河源出會寧茂山嶺北流經古豐山至靈通

山過靈通山川經小豐山至會寧府西入豆滿江

五龍川源出會寧葛坡嶺北流爲綠野川過漁

隱洞川北爲涪溪過松真山之柳城川至鍾城陪

下倉過中秋溪東流至乾原堡南入豆蒲江中秋
溪源出會寧之全以尚嶺東流經細谷潤洞至關
北行營之南過花豐川經龍巖入五龍川

右自白頭以東圓山長白茂山之嶺
至于松真白嶺以北諸山之水入此

東國文獻備考卷之十二

